

四庫全書

子部

# 欽定四庫全書

子部

御定淵鑑類函卷一百八十八

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣高 中

謄錄監生臣劉清礪

欽定四庫全書

御定淵鑑類函卷一百八十八

樂部五

琴

琴一

原說文曰琴禁也風俗通曰琴者樂之統與八音並  
行君子所常御也和樂作者其曲曰暢言其道暢美也  
憂愁作者其曲曰操言不失其操也又曰琴者君子  
所常御不離於身非若鐘鼓陳於宗廟列於簾縣也以

其大小得中而聲音和大聲不誼譁而流漫小聲不湮滅而不聞適足以和人意氣感發善心也 白虎通曰

琴者禁也禁止於邪以正人心也 琴操曰琴長三尺

六寸六分

象三百六十六日

廣六寸

象六合

文上曰池

池者水也

下曰

濱

濱者服也

前廣後狹象尊卑也上圓下方法天地也五絃

象五行

風俗通曰琴長四尺五寸法四時五行七絃法七星

大絃為君小絃為臣

文王武王加二絃以合君臣之恩

釋智匠樂錄曰文王加一武王加一今稱

二絃為文武絃

三禮圖曰琴第一絃為宮次為商次為角次



為羽次為徵次為少宮次為少商 爾雅曰大琴謂之

離郭璞曰大者十絃樂錄曰大琴十二絃今無此器 梁元帝纂要曰古琴名

有清角黃帝之琴鳴廉修况藍脅號鐘自鳴空中號鐘齊桓公琴繞

梁楚莊王琴綠綺司馬相如琴焦尾蔡邕琴鳳皇趙飛燕琴古之善鼓琴

者有瓠巴師文師襄並見列子成連伯牙方子春鍾子期漢

有渤海趙定梁國龍德琴操曰古琴曲有詩歌五曲一

曰鹿鳴二曰伐檀三曰騶虞四曰鵲巢五曰白駒又有

十二操一曰將歸操孔子之趙聞殺二曰猗蘭操孔子作傷

次定淵鑑類函

不達三曰龜山操李桓子受齊女樂孔子欲諫不得作曲喻李氏若龜山之蔽魯四曰

越裳操周公所作五曰拘幽操文王拘於羑里作此曲六曰岐山操周人

為太王作七曰履霜操尹吉甫子伯奇無罪見逐自傷作此八曰朝飛操牧犢子所

作牧犢子七十無妻見堆朝飛感而作此九曰別鶴操商陵牧子所作娶妻五年無子父母欲為

改娶其妻聞之中夜悲十曰殘形操曾子所作曾子夢嘯牧子感之作此曲一狸不見其首而

作十一曰水仙操伯牙所作十二曰懷陵操伯牙所作又有九引

一曰烈女引楚樊妃作二曰伯妃引魯伯妃所作三曰貞女引魯次

室女所作四曰思歸引衛女所作五曰霹靂引楚商梁所作出遊九阜之澤遇風雷

霹靂畏懼而  
歸作此引

六曰走馬引

樗里牧恭作為父報冤殺人而亡藏於山林之下有天馬

引之感之  
作此引

七曰瑩篴引

樗里子高所作即公無渡河曲

八曰琴引

秦時屠高

門九曰楚引

楚龍丘子高所作

又有河間雜歌二十一章琴歷

曰琴曲有蔡氏五弄雙鳳離鸞歸風送遠幽蘭白雪長

清短清長側短側清調大遊小遊明君胡笳廣陵散白

魚歎楚妃歎風入松鳥夜啼

宋臨川王義慶為江州刺史為文帝所徵家人大懼

妓妾夜聞鳥啼憂思而成曲

楚明光石上流泉臨汝侯子安之流漸

涸雙燕離陽春弄悅人弄連珠弄中揮清暢志清蟹行

清看客清便僻清婉轉清 增琴曲曰十小調一不換

金二不換玉三峽泛吟四越溪吟五越江吟六孤猿吟

七清夜吟八葉下聞蟬九三清十忘其名 陳氏樂書

琴制論曰琴之為器有龍池者以龍潛於此其出則興

雲雨以澤物而人君之仁如之有鳳池者以南方之禽

其浴則歸潔其身又人君之德如之有軫池者亦曰軫

杞以其急於發令切酒以成禮也池側有鳧掌二所以

護軫之動而合制也鳳額下有鳳喙一所以接喉舌而

申令者也琴底有鳳足用黃楊木表其足色本黃也臨  
岳若山岳峻極用棗木表其赤心也人肩者顧其臣有  
俯就隨肩之象也鳳翅者左右翼之有副貳人主之象  
也龍脣者聲所由出也龍齟者吟所由生也龍口所以  
受絃而其鬚又所以飾之也鳳額所以制嗉而其臆又  
所以承之也總而言之琴長三尺六寸六分當期之日  
腹中天地二柱當心膂之任也天柱方厚七分居姑洗  
仲呂之界地柱方厚六分居南呂無射之界若定位小

差近上則損上聲近下則損下聲當中心則其聲品節  
矣然斲製之妙蜀稱雷霄郭諒吳稱沈鐐張越霄諒清  
雅而沈細鐐越並鳴而響亮 琴暉論曰琴之為樂絃  
合聲以作主暉合主以配臣自臨岳際下至龍口銜絃  
以夷則為中界夷則至臨岳下際以仲呂為中界仲呂  
上至臨岳下際以太簇為中界其夾鍾姑洗蕤賓林鍾  
四暉即泛調取定又以太簇翻至龍口而暉數足矣自  
古暉十有三其一象閏蓋用螺蚌為之近代用金玉瑟

瑟水晶等寶未聞有絃繩之義所以示其明瑩以節奢  
縱而已俗傳暉作徽墨之徽誤矣 琴勢論曰古者手  
勢所象本蔡氏五弄趙耶利所修也左大指象日右無  
名指象月右大指象大風右食指象青雲右中指象高  
山右小指象地右無名指象下水龍行者指行之如虎  
行者指步如之蟹行者輪指如之鸞行者轉指如之輕  
行者泛指是也儒父吟未接覆手是也亮生嘯小起手  
是也仙人笑下璫是也然彈琴之法必兩手相附其猶

雙鸞對舞兩鳳同翔要在附絃作勢而不在聲外搖指  
趙師彈琴未有一聲無法凡一弄之內清側殊塗一句  
之中莫不陰陽派潤至如楚明光白雪寄清調中彈楚  
清聲易水鳳歸林寄清調中彈楚側聲登隴望秦寄胡  
笳調中彈楚側聲竹吟風哀松露寄胡笳調中彈楚清  
聲若此之類非一可謂妙矣 琴聲論曰古人之論琴  
聲有經有緯有從宮商角徵羽文武以上為經聲也黃  
鍾及大呂閏暉以上十三聲為緯聲也風雅聲陰陽聲



武成聲吟詠聲談話聲姑息聲五音聲五調聲長樂聲  
胡笳聲止息聲吳聲蜀聲齊聲楚聲度絃摘聲感臍抑  
揚調絃齟掠聲長彈掉搦聲楚清側聲雅質側聲鷓扶  
輪指聲宛美清聲高望遠側聲凡此二十四聲為從聲  
也右七絃為正十三暉為副正副相應一絃合十三種  
升降同為九十一聲琴含太虛一氣運九十種聲如此  
其變亦已盡矣至於取聲之法又有木有汎有散有末  
有別有標有擘有綽有環有齟有倫以總之誠去四清

二變以諧音律則琴音調而天下治矣

左指按絃因止打聲振動左指

令著面右指擊絃隱隱如雷是木聲也左徽按絃右手擊絃泠泠然輕清是汎聲也左指不按不擊絃鏘鏘然鐘鐸是散聲左指按絃右指打聲抑覺向前後今聲下惆悵是散聲右指向下末二三絃左指不著是末聲右指向上剔一絃是剔聲也右食指第一橫方向上覺櫟二三絃畢舉其食指合勢望天是櫟聲也右指向上擘一絃是擘聲也右指向下反剔一絃為絳聲也右指指食指第二橫文上向下擊下絃從寬至急可十餘聲為環聲也右兩指各按其絃齊聲打為齟聲右兩指倫次共一絃為倫聲也

原毛詩曰窈窕

淑女琴瑟友之

增又曰如鼓瑟琴

尚書曰搏拊琴

瑟以詠祖考來格

原禮記曰拊搏玉磬拊擊大琴中

琴四代之樂器也

增又曰士無故不徹琴瑟

原周

官曰孤竹之管雲和之琴瑟冬日至於地上圓丘奏之  
孫竹之管空桑之琴瑟夏至於澤中方丘奏之陰竹  
之管龍門之琴瑟於宗廟奏之 蔡邕月令章句曰凡

絃急則清慢則濁

增史記曰鄒忌見齊威王王自鼓

琴忌推戶而入曰善哉鼓琴也王曰子見容未察何以  
知善耶忌曰夫大絃濁以春溫者君也小絃廉折以清  
者相也攫之深醲之愉者政令也均諧以鳴大小相益

回邪而不相害者四時也吾是以知其善也 宋符瑞

志曰麒麟遊苑鳳皇翔庭成王援琴而歌曰鳳皇翔兮  
於紫庭余何德兮以感靈賴先王兮恩澤深於胥樂兮  
民以寧 原列子曰孔子遊泰山見榮啟期鹿裘帶索  
鼓琴瑟孔子問曰先生為樂何也對曰天生萬物唯人  
為貴吾既為人一樂也男貴女賤今既為男二樂也今  
有不見日月不免襁褓吾行年九十有五矣三樂也貧  
者士之常死者生之終居常以待終何憂哉 說苑曰

雍門周以琴見孟嘗君孟嘗君曰先生鼓琴亦能令文  
悲乎周曰臣獨焉能令足下悲哉所能令悲者先貴而  
後賤先富而後貧不若身才高妙適遭暴亂不若處世  
隱絕不及四鄰訕折擯厭無所告愬臣一為之徵操援  
琴則涕零矣今若足下千乘之君廣廈邃房下羅帷來  
清風鬪象碁舞鄭妾麗色淫目流聲娛耳水遊則連方  
舟戴羽旗野遊則馳弋獵乎平原廣囿入則撞鐘擊鼓  
乎深宮之中雖有善鼓琴者則未能使足下悲也然臣

所為足下悲者一也千秋萬世之後宗廟必不血食高  
臺既已壞曲池既已漸墳墓既已下嬰兒豎子樵採者  
躑躅其足而歌其上曰夫以孟嘗君尊貴乃若是乎於  
是孟嘗泣焉承臉周乃引琴而鼓之徐動宮商拂羽角  
成曲而歌孟嘗涕泣增哀下而就曰先生之鼓琴令文  
若破國亡邑之人 又曰應侯與賈子坐聞鼓琴聲應  
侯曰今日琴一何悲也賈子曰夫張急調下故使之悲  
耳急張者良材也調下者官卑也取夫良材而卑之官

安能無悲乎應侯曰善 增淮南子曰孟春東宮御女

青色采衣鼓琴瑟

琴瑟木春木旺也

文中子曰文中子遊汾

亭坐鼓琴曲未終有舟而釣者過之曰美哉琴意傷而和怨而靜在山澤而有廊廟之志非太公之都磻溪則仲尼之宅泗濱也 原揚雄琴清英曰晉王謂孫息曰

子鼓琴能令寡人悲乎息曰今處高堂邃宇連屋重戶藿肉漿酒倡樂在前難可使悲者乃謂少失父母長無兄嫂當道獨坐暮無所止於此者乃可悲耳乃援琴而

鼓之晉王傷心哀涕曰何子來遲也 增孔帖曰唐楊

收嘗言琴通黃鍾姑洗無射三均側出諸調猶蘿蒿附

木然 陳氏樂書曰中暉第一絃黃鍾按上為大呂 二絃太

簇按上為夾鐘 第三絃姑洗按上為仲呂 第四絃蕤賓單彈之 第五

絃為林鐘按上為夷則 第六絃為南呂按上為無射 第七絃為應

鐘按上為黃鐘清 續文獻通考曰金太廟登歌樂器一絃琴

三絃琴五絃琴七絃琴九絃琴各二宮縣樂一絃琴三

三絃五絃七絃九絃琴各六 又曰元雅樂琴制五絃



七絃九絃各二長三尺九寸

明陸樹聲清暑筆談曰

琴材以輕鬆脆滑謂之四善取桐木多年者本性都盡  
液理枯勁則聲易發而清越凡木皆本實而枝幹虛惟  
桐木枝幹堅實用以製琴或謂琴木取枯朽不勝指者  
此不可曉 格古要論曰古琴有陰陽材蓋桐木面日  
者為陽背日者為陰不論新舊桐木置之水上陽面浮  
陰面沈反覆不易陽材琴旦濁而暮清晴濁而雨清陰  
材琴旦清而暮濁晴清而雨濁此可驗也

## 琴二

原琴操曰伏羲作琴以修身理性反其天真也

又按世本說文

曰桓譚新論並云神農作琴二說不同

桓譚新論曰神農氏繼庖犧而

王天下上觀法於天下取法於地近取諸身遠取諸物

於是始削桐為琴繩絲為絃以通神明之德合天地之

和焉 廣雅曰神農氏琴長三尺六寸六分上有五絃

曰宮商角徵羽文王增二絃曰少宮少商 揚雄琴清

英曰昔神農造琴以定神齊姪嬪去邪欲反天真者也

舜彈五絃之琴而天下治堯加二絃以合君臣之恩也  
又曰尹吉甫子伯奇至孝後母譖之自投江中衣荷  
帶藻忽夢見水仙賜其美藥唯念養親揚聲悲歌船人  
聞而舉之吉甫聞船人之聲疑似伯奇援琴作子安之  
操禮記曰舜作五絃之琴以歌南風而天下治又  
曰子夏既除喪而見於孔子與之琴和之而不和彈之  
而不成聲作而曰哀未忘也子張既除喪而見與之琴  
和之而和彈之而成聲作而曰先王制禮不敢不至也

又曰顏淵之喪饋祥肉孔子出受之入彈琴而後食

之

彈琴以微哀也

左傳曰晉侯觀於軍府見鍾儀問其族曰

伶人也與之琴操南音公曰君子也言稱先職不背本也樂操土風不忘舊也 又曰初衛侯有嬖妾使師曹

誨之琴師曹鞭之公怒鞭師曹三百 韓詩外傳曰孔

子南遊適楚至於阿谷之隧有處女佩瑱而浣孔子曰

彼婦人可與言矣抽琴去其軫以授子貢曰善為之辭

子貢曰於此有琴而無軫願借子以調其音婦人對曰

吾野鄙之人五音不知安能調琴 列子曰瓠巴鼓琴

而鳥舞魚躍 莊子曰孔子遊乎緇帷之林坐杏壇之

上弟子讀書孔子絃歌鼓琴奏曲未半有漁父者下船

而來孔子推琴而起曰其聖人歟 呂氏春秋曰宓子

賤治單父彈琴身不下堂而治 又曰伯牙鼓琴鍾子

期善聽之方鼓琴志在太山鍾子期曰善哉乎鼓琴巍

巍乎如太山志在流水鍾子期曰善哉乎鼓琴洋洋乎

若流水鍾子期死伯牙擗琴絕絃終身不復鼓琴以為

世無足鼓琴者也

樂府解題曰水仙操伯牙學琴於

成連先生三年不成至於精神寂寞情之專一尚未能

也成連云吾師方子春今在東海中能移人情乃與伯

牙俱往至蓬萊山留宿伯牙曰子居習之吾將迎師刺

船而去旬時不返伯牙近望無人但聞海水洞汨崩折

之聲山林宵冥羣鳥悲號捨然而歎曰先生將移我情

乃援琴而歌曲終成連回刺船迎之而還伯牙遂為天

下妙矣又曰雉朝飛操者齊宣王時處士牧犢子所

作也年七十無妻出薪於野見雉雌雄相隨而心悲乃  
仰天歎曰聖王在上恩及草木鳥獸而我獨以不獲援  
琴而歌以自傷 又曰思歸引衛有賢女劬王聞其賢  
請聘之未至王薨太子曰吾聞齊桓得衛姬霸今衛女  
賢者欲留之大夫曰不可若賢必不我聽聽亦不賢不  
足取太子不聽遂拘留深宮思歸不得歸援琴而歌曲  
終自縊而死 十二國史曰周師經仕魏文侯善鼓琴  
文侯耽之起舞經怒以琴撞文侯文侯怒使人曳下殿

將殺之經曰乞申一言而死文侯曰何經曰臣撞桀紂之君不撞堯舜之主文侯曰寡人過矣乃捨之懸琴於壁以為戒 史記曰騶忌以鼓琴見齊威王威王舍之右室 又曰萬石君奮年十五為小吏侍高祖高祖與語愛其恭敬問曰若何有對曰獨有母不幸失明有姊能鼓琴高祖乃召其姊為美人以奮為中涓徙其家長安中戚里 又曰司馬相如素與臨邛令王吉相善臨邛富人卓王孫有女文君新寡好音故相如繆與令相



重而以琴心挑之文君竊從戶窺之心悅既罷相如乃使人重賜文君侍者通殷勤文君夜亡奔相如列仙傳曰稷丘公華山道士漢武封禪公乃冠章甫擁琴來迎劉向別錄曰雅琴之意事皆出龍德諸琴雜事中趙氏者渤海人趙定也宣帝時元康神爵間丞相奏能鼓琴者渤海趙定梁國龍德皆召入見溫室使鼓琴待詔趙定為人尚清淨少言語善鼓琴時閒燕為散操多為之涕泣者東觀漢記曰上嘗問宋弘通儒之士弘

薦桓譚譚善鼓琴憲鄭聲上數聽悅之間坐府弘遣吏  
召譚責問之譚叩頭良久乃遣後上令譚鼓琴譚為之  
失次上問之弘言其故其後不復令譚給事中 阮籍  
樂論曰漢桓帝聞楚琴悽愴傷心倚戶而悲慷慨長歎  
曰善哉為琴若此而足矣昔季流子向風而鼓琴聽之  
者淚下 後漢書曰蔡邕字伯喈陳留人性沈審志好  
琴道以嘉平元年入清溪訪鬼谷先生所居山五曲上  
有幽居靈跡每一曲制一弄三年曲成出呈馬融王允

董卓等異之 華嶠漢書曰初蔡邕在陳留鄰人有以  
酒召邕者比往而酒以酣客有彈琴於屏邕至門潛聽  
之曰以樂召我而有殺心何也遂反將命者告主人以  
蔡君至門而去邕素為邦鄉所宗主人遂自追問其故  
邕具以告莫不憮然彈琴者曰我向見螳螂方向鳴蟬  
蟬將去而未飛螳螂為之一前一却吾心聳然惟恐螳  
螂之失蟬也此豈為殺心而形於聲者乎邕笑曰此足  
以當之矣 江表傳曰顧雍從蔡邕學琴邕異之曰卿

必成名故以名與卿 搜神記曰吳人有燒桐以爨者  
蔡邕聞其爆聲曰此良桐也因請之削以為琴而燒不  
盡因名焦尾琴有殊聲焉 蔡琰別傳曰琰字文姬蔡  
邕之女年六歲夜鼓琴絃斷琰曰第二絃邕故斷一絃  
而問之琰曰第四絃邕曰偶得之矣琰曰吳札觀風知  
興亡之國師曠吹律識南風之不競由此觀之何不知  
也 馬明生別傳曰明生隨神女入石室金牀玉几琴  
一絃五音並奏 晉書曰王敬伯會稽餘姚人洲渚中

昇亭而宿是夜月華露輕敬伯鼓琴感劉惠明亡女之  
靈告敬伯就體如平生從婢二人敬伯撫琴而歌曰低  
露下深幕垂月照孤琴空茲益宵淚誰憐此夜心女乃  
和之曰歌婉轉情復哀願為煙與霧氤氲同共懷 又

曰阮瞻善彈琴人聞其能多往求聽不問貴賤長幼皆  
為彈之神氣冲和不知向人所在內兄潘岳每令鼓琴  
終日達夜無忤色 晉中興書曰戴逵字安道少有文  
藝善鼓琴太宰武陵王晞聞其能琴使人召馬逵對使

者前打破琴曰戴安道不能為王門伶人 孫登別傳

曰孫登字公和汲郡人清靜無為好讀易彈琴頽然自

得觀其風神若遊六合之外者當魏末居北山中以石

窟為宇編草自覆阮嗣宗見登被髮端坐巖下遙見鼓

琴嗣宗自下趨進莫得與言嗣宗乃長嘯與琴音諧和

登因嘯和之妙響動林壑 文士傳曰嵇康臨死顏色

不變謂其兄曰向以琴來否兄曰已至康取調之為太

平引曲成歎息曰太平引絕於今日耶 語林曰嵇中

散夜燈火下彈琴有一人面甚小斯須轉大遂長丈餘  
黑單衣草帶嵇視之既熟乃吹火滅曰恥與魑魅爭光  
世說曰晉戴顓字仲若父遠高尚不仕顓年十六遭  
憂不忍傳父之琴與兄勃各造新弄勃五部顓十五部  
又制長弄一部並傳於世 又曰會稽賀思令善彈琴  
常夜在月中坐臨風鳴絃忽有一人形貌甚偉著械有  
慘色在中庭稱善便與共語自云是嵇中散謂賀云卿  
手下極快但倣古法未備因授以廣陵散遂傳之於今

不絕 又曰會稽有防風鬼屢見城邑常跂雷門上脚  
垂至地晉橫陽令賀韜義鼓琴防風聞琴聲在賀中庭  
舞 幽明錄曰劉宗善琴忽得困病許遜曰近蔣家女  
鬼相錄在山石間專使彈琴作樂恐欲致災也宗曰吾  
嘗夢見女子將吾宴戲恐必不免遜笑曰蔣姑相愛重  
恐不能相放耳以為誅之今去當無患也宗漸瘥 沈  
約宋書曰蕭思話領左衛將軍嘗從太祖登鍾山北嶺  
中道有盤石清泉上使於石上彈琴因賜以銀酒鍾謂



曰相賞有松石間意 又曰衡陽王義季鎮京口長史  
張劬與戴顓姻通迎來止黃鵠山林澗甚美顓憇於澗  
義季亟從之遊顓衣野服為義季鼓琴並新聲變曲皆  
與世異也 又曰衡陽王義季鎮京口戴顓為義季鼓  
琴並新聲曲其三調遊絃廣陵止息之流皆與世異太  
祖每欲見之嘗謂黃門侍郎張敷曰當譙戴公山也以  
其好音長給正聲伎一部顓荅何當白鵠二聲以為一  
調號為清曠 蕭子顯齊書曰王仲雄善彈琴當時妙

絕江左有蔡邕焦尾琴在主衣庫上勅五日一給仲雄  
又曰尚書令柳世隆少立功名晚專以談義自業善  
彈琴世稱柳公雙璫為士品第一常自云馬稍第一清  
談第二彈琴第三在朝不干世務垂簾鼓琴風韻清遠  
甚獲世譽 增列仙傳曰華山毛女獵郎見常居巖彈  
琴 天中記曰北齊鄭述祖字恭文開封人能鼓琴自  
造龍吟十弄云嘗夢異人彈琴寤而寫得當時以為絕  
妙 唐司馬承禎傳睿宗引入中掖庭問其術帝曰廣

成之言也錫寶琴霞文被還之 辨音集唐李龜年至  
岐王宅聞琴曰此秦聲良久又曰此楚聲主人入問之  
則前彈者隴西沈妍後彈者揚州薛滿 唐禮樂志高  
宗以琴曲寢絕令有司習呂才言舜彈五絃之琴歌白  
雪之詩是知琴操曲弄皆合於歌今以御雪詩為白雪  
歌帝善之 樂纂曰趙耶利唐初天水人也以琴道見  
重海內帝王賢貴靡不欽風舊錯謬十五餘弄皆削凡  
歸雅弟子達者三人並當代翹楚貞觀十年終於曹壽

七十六弟子宋孝臻公孫常數百年內將傳於馬氏

國史補曰張弘靖少時會名客觀鄭宥彈琴宥調二琴至切各置一榻動宮則宮應動角則角應稍不切乃不應宥師董庭蘭尤善汎聲又曰李汧公勉雅好琴常

斲桐又取漆角為之多至數百張求者與之有絕代者一名響泉一名韻磬自寶於家京師又以樊氏路氏為第一路氏有房太尉石枕損處惜之不理蜀中雷氏斲琴嘗自品第上者以玉次者以瑟瑟又次以金徽螺蚌

又曰董庭蘭三為沈祝聲皆琴聲也 尚書故實曰

李汧公嘗取桐孫之精者雜綴謂之百衲琴用蝸殼為  
徽其間三面尤絕異通謂之響泉韻磬異絲為絃一上  
可十年不斷 因話錄曰汧公鎮宣武戎事之隙以琴  
書為娛自造琴聚新舊桐材扣之合律者則裁而膠綴  
不中者棄之性不善俗間音聲唯二寵妓曰秀奴七七  
皆聰慧善琴兼筆策與歌時令奏之自撰琴譜 琴書  
曰潁陽李氏女年十五天寶中遘疾七日不食魂飛冥

冥如升上景在雲霧中於女仙人蘆藕苗間受美清風  
等五十曲 孔帖曰唐獨孤及晚嗜琴有眼疾不肯治  
欲聽之專也 文獻通考曰荔枝性堅文直色正而音  
切生於南閩以芳實美味聞裁之為琴非古也唐侍御  
史尉遲君與長樂馮端始為之馮宿述之 唐書曰德  
宗時有安洸者世稱善琴且知音楊收問五絃外其二  
云何洸曰世謂周文王武王所加者收曰能為文王操  
乎洸即以黃鐘為宮而奏之以少商應大絃收曰止如

子之言少商武絃也文世安得有武絃乎洸大驚 唐

舒元興斲琴志曰越客沈蚪子斲琴絃素絲七條其上

備指一弄五聲叢鳴之中有靈峰橫空鳥泉出雲鳳龍

騰凌鶴哀鳥啼松吟風悲 葆光錄曰處士求嬰性高

古善拊琴去其爪作肉聲有公子不善之嬰作色曰如

樂其聲何不拒鼓聞者莫不大笑 南部新書曰裴說

寬之姪孫佐西川韋臯幕善鼓琴時稱妙絕靈開山有

美桐取而製以新樣遂謂之靈開渠 又曰韓晉公奉

使入蜀至洛谷山椒巨樹聳茂可愛烏鳥之聲皆異下  
馬以探弓射其顛杪柯墜於下響震山谷有金石之韻  
使還戒縣尹募樵夫伐之取其幹載以歸召良匠斲之  
亦不知其名堅緻如紫石復色綫交結其間匠曰為胡  
琴槽他木不可並遂為二琴名大者曰大忽雷小者曰  
小忽雷因便殿德皇言樂遂獻大忽雷及禁中所有小  
忽雷在親仁里 舊唐書曰衛次公字從周善鼓琴為  
渭南尉京兆尹李齊運使其子交歡欲次公授之琴次



公拒之由是終身未嘗操絃 語林曰趙璧彈五絃琴  
人問其術璧曰吾之五絃也始則心驅之中則神遇之  
終則天隨之方吾浩然眼如耳耳如鼻不知五絃之為  
璧璧之為五絃也 韓文上巳宴大學序曰司業武德  
總太學儒官三十六人列飲於祭酒之堂有一儒生抱  
琴而來厯階而升坐於樽俎之間鼓有虞氏之南風賡  
之以文王宣父之操優游夷愉追三代之遺音想舞雩  
之詠歎及暮而退充然若有得也 前定錄曰貞元初

有太學生杜思溫善鼓琴多遊於公侯門館每登臨宴會往往得與嘗從賓客宴城南荀家嘴中夜後山月如畫而遊客皆醉思溫獨攜琴臨水閒泛忽有一叟支頤來聽思溫謂是座客殊不回顧及曲罷與語乃知非向者同遊之人遽置琴而起老人曰少年勿怖余是秦時河南太守梁陟也遭難身沒於此平生好鼓琴向來聞君撫琴絃軫清越故來聽耳知音難遇毋辭更為我彈之思溫奏為沈湘老人曰此弄初成吾嘗尋音指稍異

此思溫因求其異隨而正之聲韻涵古人多怨切時人  
莫之聞叟因謂思溫曰君非太學諸生乎曰然叟曰君  
何不求千名譽而常為王門之伶人乎思溫竦然受教  
後失所在 天中記曰錢忠懿王能琴遣使物色良琴  
使者至天台宿山寺聞瀑布聲止在簷外晨起視之瀑  
布下淙石處正對一屋柱而且向日私念曰若是桐木  
即良琴在是矣削之果桐也即賂寺僧易之取陽面二  
琴材以聞乞俟一年斲之既成獻忠懿一日洗凡二曰

清絕遂為曠代之寶 陳氏樂書曰宋太宗皇帝因太

樂雅琴更加二絃召錢堯卿按譜以君臣文武禮樂正  
民心九絃按曲轉入太樂十二律清濁互相合應御製  
詔樂集中有正聲翻譯字譜又令鈞容班部頭任守澄  
并教坊正部頭花日新何元善等註入唐來燕樂半字  
譜凡一聲先以九絃琴對太樂字并唐來半字譜並有  
清聲今九絃譜內有大定樂日重輪月重明三曲并御  
製大樂乾安曲景祐詔樂集中太平樂一曲譜法互同

他皆倣此可謂善應時而造者也誠增一絃去四清聲  
合古琴之制善莫大焉 筆談曰琴雖用桐然須多年  
木性都盡聲始發越予曾見唐初路氏琴木皆枯朽殆  
不勝指而其聲愈清絕又陶道真蓄一越琴云是古塚  
中敗棺杉木也聲極勁挺大抵琴材欲輕鬆脆滑謂之  
四善謂堅如石亦所未喻 又曰太宗令待詔蔡裔增  
琴為九絃有待詔朱文濟曰五絃尚有遺音而益以二  
絃實無所闕上怒斥出遂增琴絃 金徽變化篇曰段

由夫攜琴就松風間響之嘗曰三者皆自然之聲正合  
類聚半曇即以金縷衣邀之曲終云 玉海曰宋高宗  
賜洪皓御銘盾制琴一上謂大臣曰古人琴制不同各  
有所屬朕近出意作盾樣以示不忘武備之意 又曰  
協律郎吳良輔集王安石胡笳十八拍曲及元豐行譜  
歌六篇協之音律附於琴聲為琴譜一卷 續文獻通  
考曰元太宗時太常用許政所舉大樂令苗蘭詣東平  
指授工人造琴十張一絃三絃五絃七絃九絃者各二

又曰英宗至治二年翰林學士承旨趙孟頫著琴原

樂原 元史耶律楚材薨有言其在相位日久天下貢

賦半入其家命近臣覆視之唯琴阮十餘及古今書畫

金石遺文數千卷 明雲煙過眼錄曰房山高克恭彥

敬有二琴其一後題金儒鳴玉唐大中五年處士金儒

斲此琴其名鳴玉下刻高士談家寶藏六字已為人削

去尚存書跡琴乃宣和御府故物後歸於金高士談者

金人其色赤如新栗殼斷文隱起如蛇虬奇物也其一

三足鼎峙皆美玉咸通中張鉞斲款用小篆精妙又有  
銘文漫漶不可識 陸樹聲清暑筆談曰余不蓄琴客  
有為余解嘲者曰昔陶靖節蓄無絃琴今君並琴不蓄  
視靖節又進一解矣余曰雖然此近於貧漢自是王夷  
甫口不言阿堵物耳

琴三

原防心 得意

琴操伏羲作琴所以禦邪僻防心淫  
韓詩外傳孔子學琴於師堂子曰丘得

其意未得其人有問曰丘已得其人矣未得其類也  
有問邈然遠望曰洋洋乎翼翼乎其惟文王之間乎



養氣介乃遐年 成公綏琴賦清飈因其流聲兮 一  
遊絃發其逸響心怡懌而踊躍兮神威宕而惚恍

絃五曲 一晉書嵇康見孫登彈 音之首 樂之統 桓

新論八音之中唯絃為最 離騷 別鶴 西京雜記張  
而琴為之首 下詳前一 為

成帝侍中善鼓琴能為雙 陽柯 孫枝 張協七命構  
鳳離騷之曲 下詳前一 雲梯陟崢嶸

剪蕤賓之陽柯剖大呂之陰莖營匠斲其樸伶倫均其  
聲器舉樂奏促調高張音朗號鍾韻清統梁 下見稽

康琴 通萬物 協四氣 桓譚新論神農氏為琴七絃  
賦 足以通萬物而考理亂也

成公綏琴賦四氣協而人 白鵠翔 元鶴舞 瑞應圖  
神穆兮五教泰而道化通 師曠鼓

琴通於神明而白鵠翔 韓子師曠 窮變化 通神  
鼓琴有元鶴銜珠於中庭舞失珠

納正 禁邪

嵇康琴讚開邪納正宣和養素 下詳前一

宣情 理性

戴逵

琴讚至人託玩導德宣情微音虛遠感物悟靈 下詳前一

歸風 積雪

西京雜記趙后

有寶琴曰鳳皇皆以金玉隱起為龍鳳螭鸞古賢列女之象亦善為歸風送遠之操 宋玉賦賦臣嘗行僕飢

馬疲正值主人門開主人出獨有主人女在欲置臣堂上太高堂下太卑乃為蘭房真室止臣其中中有鳴琴

為臣援琴而歌之為秋竹積雪之曲

落霞 流水

洞冥記恒山夕望東邊有青雲髣髴俄而

見雙白鶴集於臺上倏忽化為二神女舞於臺上握鳳管之蕭拊落霞之琴歌清吳春波之曲 下詳前二

正聲 雅操

嵇康琴賦理正聲奏妙曲揚白雪發清角紛淋浪以流離渙淫衍以優渥 劉

向琴賦藏蕤心而自憇兮伏雅操之循則

養氣 怡心

嵇康琴賦穆穆重華託心五絃宣和

風樂聲圖琴以知四海琴音調之以及四海  
也傳元琴賦播之以八風文之以五聲化人情

協鐘律

上見上琴二樂府解題蔡邕琴賦爰

清

以溢濁以溫

桓子昔夏之時洪水懷山襄陵禹乃援琴作操其聲清以溢潺潺爰爰志在深

河下史記

洞庭椅

寒山桐

崔駰七依洞庭之椅依峻岬而旁坐張

景陽七命寒山之桐出自大冥合黃鐘以吐幹據蒼岑而孤生

載靈山

託峻嶽

康

琴贊惟彼雅器載璞靈山體其德真清和自然澡以春雲澹若洞泉溫乎其仁玉潤外鮮下見嵇康琴賦

涉綠水

揚白雪

並見嵇康琴賦

太傅談

琴高善

世說戴公

從東出謝太傅往者之謝本輕戴見但與論琴書戴既無吝色而談琴書愈妙謝悠然知其量列仙傳琴高

明成公綏琴賦窮變化於無極兮  
盡人心之好善下詳前一

梁父吟 楚妃歎

上詳蔡邕琴賦石崇楚妃歎序楚妃歎莫知其由  
楚之賢妃能立德垂名於後惟楚妃焉故歎詠之

子期聽聲 君山獻曲上詳前二後漢書桓譚字君  
山善鼓琴又成公綏琴賦遂創

新聲爰改舊用君德優心遠嵇康琴賦序衆器之  
山獻曲伯牙奏弄

所懷以為之賦又亂曰惜惜琴德不可測兮體清心  
遠邈難極兮良質美手遇今世兮紛綸翕響冠衆藝兮

識音者希誰能珍兮九絃一奏蔡邕琴賦間關九  
能盡雅琴惟至人兮

低昂十指如雨美材雅弄閔鴻琴賦乃從容以  
下見上樂總二

上森蕭以崇立下婆娑而四張又知四海播八  
云嗟雅弄之淳妙時絢邈以超倫

善鼓琴為宋康王舍人行消彭之術

協和人性

盪滌邪心

傳元琴賦序神農氏

造琴所以協

和天下人性為

神物以臻

雅韻乃揚

嵇康琴贊昔在黃農神物以臻重華

下見蔡邕琴賦

布藻垂文

絃

絲飾璧

嵇康琴賦乃使離子督墨匠石奮斤夔襄薦法班慤騁神鼓會襄廟朗審調均華繪雕琢布藻

垂文  
崔駰七依絃以山

莫不愀愴

未嘗絕音

嵇

琴賦是故懷感者聞之莫不愀慤慘悽愀愴傷心

白

鵲翔翔

素鴈蜿蟺

瑞應圖

師曠鼓琴玉羊白鵲翔

劉鞠餘元根頌素鴈蜿蟺

感清羽元鶴迴翔應徵官

詠先王之風

理重華之操

韓詩外傳

戶之中彈琴以詠先王之風有人亦樂無人亦樂  
嵇康琴賦理重華之遺孫慨連慕而長思 揚和

顏樣皓腕

進南荆發西秦

又云揚和顏樣皓腕飛纖指以馳驚紛從焉以流漫

若乃華堂曲宴客友迎賓蘭有兼御旨  
酒清淳進南荆發西秦紹陵陽度巴人

豈笙簫之能

倫 宜簫琴之足聽

又云料殊功而比聽豈笙簫之能  
蔡邕琴賦苟斯樂之可貴宜

簫琴之足聽

歌人失曲舞者忘形

金石寢聲匏竹屏氣

又云歌人於是恍惚以失曲舞者亂節而忘形哀人塞  
耳以惆悵轅馬踈足以悲鳴 嵇康琴賦於時也金石  
寢聲匏竹屏氣王豹輟謳狄牙喪味天吳踴躍於重淵  
王喬披雲而下墜舞驚鸞於庭階游女飄馬而來萃

增儀節

平心

禮君子之近琴瑟以儀節也非以怡  
心也注儀節不過度也 晏子君子

聽之以  
平其心

朱絃

綠綺

尚書大傳大琴朱絃  
綠綺琴從卓氏秦鳳求

相如有曲

又美人贈  
我綠綺琴

靜好

專一

詩琴瑟在御莫不靜好  
晏子琴瑟專一誰能聽之

嶧陽桐

野繭絲

書嶧陽孤桐材中琴  
七發野繭之絲以為絃

踞轉鼓

上牀彈

左傳張貉輔蹠與楚戰乘車踞轉  
乘安車也踞倚也轉衣囊也

世說王獻之卒

嶽之奔喪不哭直上靈牀取琴彈之久而  
不調白嗚呼子敬人琴俱亡因頓絕也

師曠再奏

杜夔難色

上見上樂總二  
下見上笙二

搏拊以詠

歎息而鼓

上詳一琴操岐山操者太王去邠而邑於  
岐山自傷為狄所侵喟然歎息援琴而鼓之

龍鳳之

象山水之音

上蔡邕  
下伯牙

鳧掌

龍唇

並陳氏樂書  
琴制論詳一

# 筆捶竹軋

文獻通考擊琴五絃以竹管承梁柳世隆素善彈琴其子惲每奏父曲居常感

思因變其體備寫古調當賦詩未就誤以筆捶琴坐客以筋扣之惲驚其哀韻乃制為雅音而擊琴自此始江

左有之非古制又曰奚琴出於絃鼗而形亦類焉其制兩絃以竹片軋之民間或用

## 漆角

# 銅甌

上唐李勉事詳前二孔帖西舍利王獻其國樂至成都有大甌琴二覆以半甌皆彩畫之上加銅

甌以竹為琴作虺文橫其上長三尺餘頭曲如拱長二寸以絛繫腹穿甌及甌本可受二升大絃應太簇次絃

應姑洗有獨絃甌琴以班竹為之不加飾刻木為虺首張絃無軋以絛繫頂有四柱如龜茲琵琶絃應太簇有

小甌琴二形如大甌琴長二尺大絃應南呂次絃應應鐘

## 響泉

## 韻磬

並李勉事詳二

# 蛟破

## 蟹行

金嶽叢化篇晉孫登琴遇雨必有響如刀物聲竟因雨破作數截有黑蛟涌出琴



度不得俱活二人以思革子賢推食糧與之凍餓而死  
思革子往見楚王旨酒嘉肴設鐘以樂之愴然而悲援  
琴而鼓作相與別散之志王曰琴何悲哉革子推琴而  
對以其故王賜革子黃金百斤命具棺歛收石文子叔  
愆子尸葬之遂  
**神遇** **心驅**並趙壁五  
以革子為相

**儀**上輕鬆脆滑詳前一陳氏琴瑟下論宋朝始制二  
絃琴以象天地謂之兩儀每絃各六柱又為十二絃

以象十二律其倍  
應之聲靡不畢備  
**犯徽** **造弄**宋書劉琨之為竟陵  
王誕司空主簿誕有

寶琴左右犯其徽誕罰焉琨之諫以為非是誕曰此余  
寶也琨之曰前哲以善人為寶不以珠玉為寶故王孫

國稱觀射父為楚國之寶未聞以琴瑟為  
寶誕怛然不悅下北齊書鄭述祖詳二  
**三絃** **六**

**柱**續文獻通考金元皆有  
三絃琴下詳兩儀注  
**爛柯** **敗木**鄭緝之東陽  
記晉中朝時

訣凡彈琴輪指曰  
蟹行側指曰鸞鳴

冰清

雪卷

國史補錢塘沈振蓄  
一琴名冰清腹有晉

陵子銘云卓哉斯器樂惟至正音清韻高月苦風動環  
餘神爽氣絕機靜雪夜鼓冰霜天擊磬陰陽潛感石滅

前鏡人其審之豈獨知政後書大厯三年三月三日上  
底蜀郡雷氏斷奉詔書貞元十一年七月八日再修士

雄記或以為晉陵子杜牧遺號篆法類李義山不知士  
雄何人也格古要論偽斷文用琴於冬日内晒或以

猛火烘琴柱熱以雪罨  
激烈之然而漆色還新

類聚

叢鳴

上段由夫詳前  
二下舒元與

詳前

涼月

秋風

並蘇軾  
詩詳五

龍行

虎步

並陳氏琴  
勢論詳一

送聲

窮操

唐禮樂志吕才以御雪詩為白雪歌入  
琴操古今奏正曲復有送聲以羣臣和

十六韻為送聲十六節帝善之琴操思華子與石文  
子叔憇子為友聞楚王賢往見至茲巖之間衣寒乏粮

絃春溫和且平小絃廉折亮以清平生未識宮與角但  
聞牛鳴盎中雉登木門前刺啄誰叩門山僧未開君勿  
嘆歸家且覓千斛水淨洗從前箏笛耳僧義海曰東坡  
琴詩亦未知琴大絃春溫和且平小絃廉折亮以清絲  
聲皆然何獨琴也牛鳴盎雉登木大槩言宮角也八音  
宮角皆然何獨絲也聞者以海為知言又曰退之聽  
穎師琴詩歐公以為聽琵琶詩後注云浮雲柳絮無根  
蒂天地闊遠隨飛揚此泛聲也謂輕絲重非木也喧啾  
百鳥羣忽見孤鳳皇泛聲中寄指聲也躋攀方寸不可  
上吟繹聲也失勢一落千丈強厯聲也三吳僧義海知  
琴或以歐公之論問海海曰歐公一代英偉然斯語失  
矣昵昵兒女語恩怨相爾汝言輕清柔滑真清出現也  
劃然變軒昂勇士赴敵場精神餘溢竦觀聽也浮雲柳  
絮無根蒂天地闊遠隨飛揚縱橫變態浩乎不失自然  
也喧啾百鳥羣忽見孤鳳皇又見孤絕不同下俚也躋  
攀方寸不可上失勢一落千丈強起伏不常抑揚不主

有王質者入山伐木至石室見童子四人彈琴而歌質因留跌斧柯而聽之童子以一物與質狀如棗核質取而含之便不復飢遂復少留俄頃童子曰汝來已久何不速去質起所坐斧柯已爛盡計離家已數十年矣下筆談  
**知吉凶**  
**清心耳**  
段成式酉陽雜俎琴有氣曾識一道者相琴知吉凶

李白白毫子歌拂花弄琴坐青苔綠蘿之下春風來小窗蕭颯松風起憑巖一眺清心耳  
**松節**

**支桐精綴**  
唐人小說白居易以胡松節支琴  
**嵇康價**  
**賀若**

**名**  
金徽變化篇嵇康抱琴訪山濤濤醉欲割琴康曰吾賣東陽舊業以得琴乞尚書令河輪佩玉藏為徽貨

所衣玉簾中單買縮絛為袋論之其價與武庫爭先如欲割之吾即死矣  
蘇軾詩注云賀若琴操名唐宣宗

時待詔賀若所製因人得名  
**義海知言**  
**歐陽失語**  
西清詩話蘇軾琴詩曰大

政常也皆指下絃聲妙處惟琴為然琵琶格上聲烏能爾追之深得趣未易識評也

### 奏綠桐

拂白石

李白樽酒行琴奏龍門之綠桐又詩曰拂彼白石彈吾素琴幽澗漱兮流泉深善手明徽高

張清心寂歷似千古松颺颺兮萬尋

掩朱絃 停玉指

白居易聽彈別鶴操曰怨抑掩

朱絃沉吟 停玉指

賜緋調

飾綠髤

樂府雜錄太和中有賀若夷尤能琴後為待詔

對文宗彈一調上嘉賞之仍賜朱衣至今為賜緋調後有甘黨亦為上手宋崔度作琴底面皆用梓木而施

采色兩端繪錦髤以綠金飾鳳首

諸葛經

孔衍操

玉海中興書目琴經一卷諸葛

亮撰述製琴之始及七絃之音十二徽所象之義又曰琴操引三卷皆孔衍撰以琴聲調中周詩五篇古撰

引曲共五十五篇述所以命題之意

鳳歸林

鶴唳天

又曰宋至道元年太宗謂近臣

曰朕增琴為九絃曰君臣文武禮樂正民心為五絃阮  
曰金木水火土別造新譜凡三十七卷俾太常樂工隸  
習之以備登薦因令待詔朱文濟蔡商賈  
琴阮詣中書彈上製鳳歸林鶴唳天等曲  
絃作主

暉配臣

並琴暉論  
詳前一

象天地

增禮樂

上詳兩儀注  
下詳鶴唳天注

樂臣妾

曲師長

樂書琴論衆樂琴之臣  
妾也廣陵曲之師長也

春鳥關

關秋鴈肅肅

琴聲論關關嚶嚶春鳥聲也肅肅雍  
雍秋鴈聲也巍巍蕩蕩山水聲也

長江廣流急浪奔雷

唐書樂志趙耶利云吳聲清婉  
若長江廣流綿綿徐逝有國士

之風蜀聲躁急若急浪  
奔雷亦一時俊快也

盧女新聲

柳令流亞

樂府  
解題

魏武宮人有盧女者故將軍陰叔之子也七歲入漢宮  
學鼓琴善為新聲  
蕭子顯齊書江夏王鋒字宣穎性

好琴書嘗觀武帝賜以寶裝琴仍於御前鼓之大見賞  
帝謂鄒陽王鏐曰關黎琴亦是柳令之流亞其既事事  
有意吾欲試以臨人鏐曰昔鄒忌鼓琴  
威王委以國政乃出為南齊州刺史

### 衆山皆響

### 秋風入彈

宋書宗少文好山水愛遠遊有疾還江陵歎  
曰老疾俱至名山恐難徧覩惟澄懷觀道卧

以遊之凡所遊履皆圖之於室謂人曰撫琴動操欲使  
衆山皆響古有金石之弄為諸桓氏取重桓氏亡其聲  
遂絕惟少文傳焉 元太保劉秉忠宋義甫彈  
秋風詩曰高捲旄簾對明月秋風一曲八琴彈

### 根老

### 山泉 葉苦霜月

李白琴  
贊詳五

### 楚澤涵秋 塞門積雪

冷齋

夜話世傳琴曲十小調皆隋賀若弼所製琴家但名賀  
若而已宋太宗愛之改不換金曰楚澤涵秋不換玉曰  
塞門積雪命詞臣探題製詞時蘇易簡探得越江吟詞  
非雲非煙瑤池宴片片碧桃冷落黃金殿蝦鬚半捲天

香散春雲和孤竹清婉入霄漢紅顏  
醉態爛熳金輿轉霓旌影爛簫聲遠

雪夜敲冰霜

天擊磬

詳前水清注

宮調角調

牧聲泛聲

西清詩話嘗考琴家謂宮

者非宮角者非角又五調迭犯特宮聲為多與五音之  
正者異志林蘇軾云牧音鮮出羯鼓錄偶讀嵇中散  
琴賦云間連故音痺絃長故徽鳴所謂痺者如今俗云  
牧聲也兩可之間連則有牧聲故曰間連徽鳴云者今  
之所謂泛聲也絃虛而不接乃可按故云絃長  
而徽鳴也五臣妄注云八曲具他淺妄可知  
雙鷺

對舞

兩鳳同翔

琴勢論詳一

歐公論帖

遵度作箋

陸明

深清暑筆談歐陽公論琴帖自敘夷陵今時得一琴常  
琴也及作舍人學士再得琴後一琴雷琴也官愈昌琴  
愈佳然在夷陵得佳山水耳目清曠意甚適自為舍人  
學士日奔走塵紛聒聲利無復清思乃知在人不在器



有貪志

韓詩外傳孔子鼓琴曾子于貢側門而聽曲終曾子曰嗟乎夫子琴聲殆有貪狠之志邪僻之

行何其不仁子貢以曾子之言告子曰嗟乎夫參天下賢人也其習知音矣向者丘鼓琴有鼠出遊狸見於屋

循梁微行造焉而避厭目曲脊求而不得丘終身不以琴淫其聲參以丘為貪狠邪僻不亦宜乎

聽

左傳孫林父在戚擊鐘季札非之林父聞之終身不聽琴瑟

師氏雅琴

劉向別錄師氏

雅琴者名忠東海下邳人言師曠之後至今邳俗猶多好琴也

稷生妙琴

張衡道遙賦稷生揮

妙琴流風徘徊

張衡南都賦彈琴撫籥流風徘徊清角發微聽者增哀

悽有餘

哀

蔡邕琴賦一彈三歎悽有餘哀

正坐操

蔡邕女訓舅姑若命之鼓琴必正坐操琴而奏曲若

問曲名則舍琴而對

端坐鼓

張華詩北方有佳人端坐鼓名琴終晨無管絃日夕不成音

苟意所自適無絃可也 玉海皇朝崔遵度善鼓琴得其深趣著琴箋云唐協律郎劉颺以樂器配諸節候而謂琴為夏至之音愚謂象天地自然之節耳豈止夏至之音而已聖人不能作易而能知自然之數不能作琴而能知自然之節先儒謂八音以絲為君緣以琴為君愚謂琴以中徽為君 合雅之正樂

治世之和音

陳氏琴瑟下論琴之於天下合雅之正樂治世之和音也

增響亮

於五絃 應鏗鏘於六律

柳宗元與衛淮南石琴薦啓

### 琴四

原安絃

禮不學操縵不能安絃操縵難弄也

無故不徹

禮詳一

佯狂鼓

史記箕子諫紂不聽乃被髮佯狂而鼓琴以自悲

悲歌鼓

阮籍晉公好悲歌鼓琴

知

好鼓琴

又曰唐韓滉好鼓琴

娛賓

又曰王涯使客賀若夷鼓琴娛賓

纖手弄

李自古風纖手弄玉琴清晨起長歎

傳幽音

唐韋應物擬古有客天一

隔託此傳幽音冰霜中自結龍鳳相與吟

寫聲發情

李自古詩吾但寫聲發情於妙指殊不知

此曲之古今

願以頑璞上奉徽音

柳宗元上衛淮南石琴薦啓

聽愈

澹

韓愈秋懷詩有琴具徽絃再鼓聽愈澹古聲久埋滅無由見真澹

月照席

杜甫詩罷琴惆

帳月照席

以音相授

鄭樵曰琴之九操十二引以音相授並不著辭琴之有辭自梁始

琴欲高張

物理論琴欲高張瑟欲下聲

分聲配位

朱子曰琴之有徽所以分五聲

之位配以當位之律以待抑按取聲而布徽之法當隨聲數多少律管之長短而三分損益上下相生以定其

永服不厭

嵇康琴賦永服御而不厭信古今之所貴

流波湯湯

又云狀若崇山又象

流波浩兮湯湯鬱兮我我

宮徵相徵

見嵇康琴賦

廣陵散

晉書嵇康傳初康嘗

遊乎西洛暮宿華陽亭引琴而彈夜分忽有客詣之稱是古人與康共談音律辭致清辨因索琴彈之而為廣

陵散聲調絕倫遂以授康仍誓不傳人亦不言其姓氏後康將刑東市索琴彈之曰昔袁孝尼嘗從吾學廣陵

散吾每固靳之廣陵散於今絕矣

無絃

陶潛不解琴蓄素琴一張絃徽不具曰但識琴中趣何勞

音絃工楚明光

吳均續齊諧記王彥伯善鼓琴一日行吳郵亭維舟中渚東燭理琴見一女于

披幃而進二女從焉先施錦席於東牀乃枕坐女取琴調之聲甚哀雅類今之登歌女子曰子識此否彥伯曰

所未曾聞女曰此曲所謂楚明光者也惟嵇叔夜能為此聲

增善琴

孔帖唐盧藏用善琴

位

舍車而徒

文獻通考爾雅徒鼓琴謂之步蓋鼓琴而無章曲則徒鼓而已猶之舍車而徒

也

月露為知音

元元好問元魯縣琴臺詩千山為公臺萬籟為公琴夔曠不並世月露為

知音人間號泮耳已矣非公心

臨風奏水仙

元耶律楚材寄張子聞詩幾時重會燕山首一

曲臨風奏水仙公自注曰予彈水仙公嘗學之

歌碧玉

又寄清溪居士秀玉詩曰時復有琴歌碧

玉年來無夢繞清谿

純陽琴

明格古要論底面俱用桐木謂之純陽琴古無此製近世為之取其

暮夜陰雨彈之不沈然不能達遠聲不能實也

琴卓

又曰琴卓須用維摩樣高二尺八寸可入膝於

卓下間可容三琴長過琴一尺許卓面郭公碑最佳瑪瑙石南陽石永石者尤好

琴五

原詩南齊謝朓詠琴詩曰洞庭風雨榦龍門生死枝雕  
刻分布獲冲響鬱清危春風搖蕙草秋月滿堦池是時  
別鶴叫侵淫客淚垂 梁劉孝綽秋夜詠琴詩曰上宮  
秋露結上客夜鳴琴幽蘭暫罷曲積雪更傳聲 到溉  
詠琴詩曰寄語調絃者客子心易驚離泣已將墜無勞  
別鶴聲 丘遲題琴樸奉柳吳興詩曰邊山北嘉樹搖  
影出雲垂清心有素體直幹無曲枝凡耳非所別君子  
特見知不辭去根本造膝仰光儀 陳沈炯賦得為我

彈清琴詩曰為我彈清琴琴鳴傷我襟半死無人覺入

竈始知音空為貞女引誰達楚妃心雍門何假說落淚

自淫淫 賀澈為我彈鳴琴詩曰薄暮高堂上調琴召

美人伯喈聲未盡相如曲復新點徽還轉弄亂爪更留

賓聊持一絃響雜起豔歌塵 北齊馬元熙日晚彈琴

詩曰上客敞前扉鳴琴對晚暉掩抑歌張女淒清奏楚

妃稍視紅塵落漸覺白雲飛新聲獨見賞莫恨知音稀

蕭憇聽琴詩曰洞門涼氣滿閒館夕陰生絃隨流水

急調雜秋風清掩抑朝飛弄淒斷夜啼聲至人齊物我  
持此說高情 隋江總賦得詠琴詩曰可憐嶧陽木雕

為綠綺琴田文垂睫淚卓女弄絃心戲鶴聞應舞遊魚  
聽不沈楚妃幸勿歎此異丘中吟 又侍宴賦得起坐

彈鳴琴詩曰絲傳園客意曲奏楚妃情罕有知音者空  
勞流水聲 楊希道賦得起坐彈鳴琴詩曰北林鵲夜

飛南軒日斜進調絃發清徽蕩心祛褊悵變作離鴻聲  
還入思歸引長歎未終極秋風飄素鬢 又詠琴詩曰



竹林隈長聲寶匣開風前綠綺弄月下白雲來淮海多  
為室梁岷舊作臺子期如可聽山水響餘哀 王昌齡  
詠琴詩曰孤桐祕虛鳴朴素傳幽真髣髴絃指外遂見  
初古人意遠風雪苦時來江山春高宴未終曲誰能辨  
經綸 又聽彈風入松闕贈楊補闕詩曰商風入我絃  
夜竹深有露絃悲與林寂清景不可度寥落幽居心颺  
颺青松樹松風吹草白溪水寒日暮聲意去復還九變  
待一顧空山多雨雪獨立君始悟 常建江上琴興詩

久擅龍門質孤竦嶧陽名齊娥初發弄趙女正調聲嘉  
客勿遽返繁絃曲未成 劉永濟詠琴詩曰昔在龍門  
側誰想鳳鳴時雕琢金為器宮商不自持已人緩疎節  
楚客弄繁絲欲作高張引翻成下調悲 劉希夷夏彈  
琴詩曰碧山卒岑寂素絲何清幽彈為風入松崖谷颯  
已秋嗚呼鍾子期零落歸山丘死兮若有知魂兮從我  
遊 唐王績山夜調琴詩曰促軫乘明月抽絃對白雲  
從來山水韻不使俗人聞 增唐李嶠詠琴詩曰隱士

音難再逢惜君方老年曲終月已落惆悵東齋眠 李  
白聽蜀僧濬彈琴詩曰蜀僧抱綠綺西下峨嵋峰為我  
一揮手如聽萬壑松客心洗流水餘響入霜鐘不覺碧  
山暮秋雲暗幾重 又彈幽澗泉詩曰拂彼白石彈吾  
素琴幽澗欸兮流泉深善手明徽高張清心寂歷似千  
古松飈飈兮萬尋中見愁猿弔影而危處兮叫秋木而  
長吟客有哀時失職而聽者淚淋浪以沾襟乃緝商綴  
羽潺湲成音吾但寫聲發情於妙指殊不知此曲之古

曰江上調玉琴一絃清一心泠泠七絃徧萬木澄幽陰  
能使江月白又令江水深始知枯桐枝可以徽黃金  
岑參秋夕聽羅山人彈三峽流泉詩曰皤皤岷山老抱  
琴鬢蒼然衫袖拂玉徽為彈三峽泉此曲彈未半高堂  
如空山石林何颼颼忽在窗戶間繞指弄鳴咽青絲激  
潺湲演漾怨楚雲虛徐韻秋煙凝兼陽臺雨似雜巫山  
猿幽引鬼神聽靜令耳目便楚客腸欲斷湘妃淚斑斑  
誰裁青桐枝絙以朱絲絃能含古人曲遞與今人傳知

今幽澗泉鳴深林 楊衡朱絲絃詩曰寂寞瑤琴上深

知直者情幸傳朱鷺曲那止素絲名瑞草人空仰王言  
世久行大方聞正位樂府動清聲文武音初合宮商調  
屢更誰能向機杼終日泣無成 劉長卿幽琴詩曰月

色滿軒白琴聲宜夜閑颼颼青絲上靜聽松風寒古調  
雖自愛今人多不彈向君投此曲所貴知音難 釋彪  
寶琴詩曰吾有一寶琴價重雙南金刻作龍鳳象彈為  
山水音星從徽裏發風來絃上吟鍾期不可遇誰辨曲

中心 白居易對琴待月詩曰竹院新晴夜松窗未卧  
時共琴為老伴與月有秋期玉軫臨風久金波出霧遲  
幽音待清景唯是我心知 又和順之琴者詩曰陰陰  
花院月耿耿蘭房燭中有弄琴人聲貌俱如玉清泠石  
泉引澹佇松風曲遂使君子心不愛凡絲竹 李賀聽  
穎師琴歌曰別浦雲歸桂花渚蜀國絃中雙鳳語芙蓉  
葉落秋鸞離越王夜起遊天姥暗佩清臣敲水玉渡海  
蛾眉牽白鹿誰看挾劍赴長橋誰看浸髮題春竹竺僧

前立當吾門梵宮真相肴稜尊古琴大軫長八尺嶧陽  
老樹非桐孫涼館聞絃驚病客藥囊暫別龍鬚席請歌  
直請卿相歌奉禮官卑復何益 張喬聽琴詩曰清月

轉瑤軫弄中湘水寒能令坐來客不語自相看靜恐鬼  
神出急宜風雨殘幾時歸嶺嶠更過洞庭彈 僧貫休

秋夜聽業上人彈琴詩曰萬物多寂寂堪聞彈正聲人  
心盡如此天下自和平湘水瀉秋碧古風吹太清往年  
廬嶽奏今夕更分明 李季蘭聽從叔琴彈三峽流泉

歌曰妾家本住巫山雲巫山流泉常自聞玉琴彈出轉  
寥夤直似當時夢裏聽三峽迢迢幾千里一時流入幽  
閨裏巨石崩崖指下生飛泉走浪絃中起初疑噴怒含  
雷風又似鳴咽流不通回湍曲瀨勢將盡時復滴厯平  
沙中憶昔阮公為此曲能令仲容聽不足一彈既罷還  
一彈願似流泉鎮相續韋莊趙秀才彈琴詩曰滿匣  
冰泉咽又鳴玉音閒澹入神清巫山夜雨絃中起湘水  
晴波指下生蜂簇野花吟細韻蟬移高柳迸殘聲不須



又詩曰至和無攷騁至平無按抑不知微妙聲究竟  
從何出散我不平氣洗我不和心此心知有在尚復此  
微吟 又詩曰風生瀑布已清絕更愛玉珮聲琅璫自  
從鄭衛亂雅樂古器殘破世已忘千年寥落獨琴在有  
如老仙不死閱興亡世人不容獨反古強以新曲求鏗  
鏘微音澹弄忽變轉數聲浮脆如笙簧無情枯木今尚  
爾何況古意墮渺茫江空月出人響絕夜闌更請彈文  
王 元元好問聽姨女喬夫人鼓風入松詩曰白雪朱

更奏幽蘭曲卓氏門前月正明 宋歐陽修詩曰江水  
深無聲江雲夜不明抱琴舟上彈棲鳥林中驚游魚為  
跳躍山風助清冷境寂聽愈真絃舒心已平用茲有道  
器寄此無景情經緯文章合調和雌雄鳴颯颯驟風雨  
隆隆隱雷霆無射變凜冽黃鐘催發生詠歌文王雅怨  
刺離騷經二典意淡薄三盤語丁寧琴聲雖可狀琴意  
誰可聽 蘇軾聽道士彈賀若詩曰清風終日自開簾  
涼月今宵肯挂簷琴裏若能知賀若詩中定合愛陶潛

哭離騷泣鬼神止息振林木秋思盡雅興三樂歌清福  
自餘不暇數渴心今已沃昔我師弭君平淡聲不促如  
奏清廟樂威儀自穆穆今覩棲巖意節奏變神速雖繁  
而不亂欲斷還能續吟猗從簡易輕重分起伏一聞棲  
巖聲不覺傾心服彼此成一家春蘭與秋菊我今會為  
一滄海涵百谷稍疾意不急似遲聲不跼二子終身學  
今日皆歸僕周權湘桐吟曰黃鍾沈聲喧瓦缶良材  
入爨知多少誰裁鳴鳳千年枝蛇跼龍紋巧蟠紐澤堅

絃一再行春風纖指十三星雲窗霧閣有今夕寶靨羅  
裘無此聲蕭灑寒松度虛籟悠揚飛絮攪青冥胎仙不  
比湘靈瑟五字錢郎莫漫驚 耶律楚材冬夜彈琴以  
詩遺猶子蘭曰湛然有琴癖不好凡絲竹兒時已存心  
壯年學愈篤倉忙兵火際遺譜不及錄回首二十秋絲  
桐高閣東棲巖有後人萬里來相逐今冬六十日對彈  
五十曲五句記新聲十朝溫已熟高山壯意氣秋水清  
心目陽春撼瓊玖白雪碎瑤玉洛浦太含悲楚妃歎如

古漆光不磨徽絃不具含雲和已無伯牙之手子期耳  
三歎如此湘桐何

原賦後漢傳毅琴賦曰歷嵩岑而將降覩鴻梧於幽阻  
高百仞而不枉對脩條以特處蹈通涯而遠遊圖茲梧  
之所宜蓋雅琴之麗樸乃升伐其孫枝命離婁使布繩  
施公輸之剗剗遂雕琢而成器揆神農之初制盡聲變  
之奧妙抒心志之鬱滯 馬融琴賦曰惟梧桐之所生  
在衡山之峻陂於是遨閒公子中道失志孤梵特行懷

閑抱思昔師曠三奏而神物下降元鶴二八軒舞於庭  
何琴德之深哉 蔡邕琴賦曰爾乃言求茂木周流四

垂觀彼椅桐層山之陂丹華煒燁綠葉參差甘露潤其  
末涼風扇其枝鸞鳳翔其顛元鶴巢其岐考之詩人琴  
瑟是宜爾乃清聲發兮五音舉韻宮商兮動角

一作羽徵

曲引興兮繁絃撫然後哀聲既發祕弄乃開左手抑揚  
右手徘徊指掌反覆抑案藏摧於是繁絃既抑雅韻乃  
揚仲尼思歸鹿鳴三章梁甫悲吟周公越裳青雀西飛

別鶴東翔飲馬長城楚曲明光楚姬遺歎雞鳴高桑走  
獸率舞飛鳥下翔感激茲歌一低一昂 晉嵇康琴賦  
曰惟嵗桐之所生託峻岳之崇岡含天地之醇和吸日  
月之休光鬱紛紛以獨茂飛英蕤於旻蒼其山川形勢  
則盤紆隱嶙確嵬岑巖丹崖嶮巖青壁萬尋若乃春蘭  
被其東沙棠殖其西消予宅其陽玉醴涌其前元雲蔭  
其上翔鸞集其顛乃斲孫枝准量所任至人攄思制為  
雅琴錯以犀象藉以翠綠絃以園客之絲徽以鍾山之

玉爰有龍鳳之象古人之形伯牙揮手鍾期聽聲華容  
灼爍發采揚明伶倫比律田連操張進御君子新聲嘹  
亮及其初調則角羽俱起宮徵相證參發並起上下累  
應若乃高軒飛觀廣廈開房冬夜肅清朗月垂光新衣  
翠粲纓徽流芳於是器冷絃調心閑手敏觸挽如志唯  
意所擬初涉淥水中奏清徵拊絃安歌新聲代起曲引  
向闌衆音將歇改韻易調奇巧乃發或徘徊顧慕擁鬱  
抑按盤桓毓養從容祕玩牢落凌厲布濩半散英聲發



而發泄幽情矣 成公綏琴賦曰伯牙彈而駟馬仰秣  
子野揮而元鶴翔鳴清角發而陽氣亢白雲奏而風雨  
零 陳陸瑜琴賦曰龍門竒樹上籠雲霧根帶千仞之  
谿葉泣三危之露忽紛糅而交下終摧殘而莫顧逢蔡  
子之見矜識竒響於餘煙飛青雀兮歌綺殿引黃鶴兮  
慘離筵吟高松兮落春葉斷輕絲兮改夏絃歡曲舉而  
情踊躍引調奏而涕流漣亦有辭鄉去國對此二年  
增唐張隨無絃琴賦曰陶先生解印彭澤抗跡廬阜適

越采采粲粲穆溫柔以怡懌婉順叙而委蛇或乘險投  
會邀隙趨危嚶若離鵠鳴清池翼若遊鴻翔增崖或樓  
攏攏將縹緲澈洌遠而聽之若鸞鳳和鳴戲雲中迫而  
察之若衆葩敷榮曜春風若次其曲引所宜則廣陵止  
息東武太山飛龍鹿鳴鷦鷯遊絃更唱迭奏聲若自然  
下逮謠俗蔡氏五曲王昭楚妃千里別鶴論其體勢詳  
其風聲器和故響逸張急故聲清閑遼故音痺絃長故  
徽鳴性潔靜以端理含至德之和平誠可以感盪心志

因於蠶餌或不由於蟹筐園客以登夫鈎軫墨子徒歎  
於蒼黃 薛勝之孔子彈文王操賦曰曲引烝哉調吟  
皇矣穆穆乎順帝之則洋洋乎令問不已同聲相應雖  
千古而會徽音異日而論猶萬邦而聆遺美所以聖賢  
不遠古今一揆且將合於心豈獨盈乎耳 王太真鍾  
期聽琴賦曰空山之谷清澗之媚幽人髣髴絕粒茹芝  
憑高梧引長颺激楚窈窕流波逶迤陽阿布濩結綠參  
差高秋風冷遠浦霜滋素月滿繁星稀雅調閑逸流風

性以琴怡情以酒榮星徽於日下陳鳳軫於風前振素  
手以揮拍循良質而周旋幽蘭無聲媚庭際之芬馥綠  
水不奏流舍後之潺湲以為心和即樂暢性靜則音全  
和由中出靜非外傳豈必誘元鵠以率舞驚赤龍而躍  
泉者哉 仲子陵五色琴絃賦曰絃有五色而播蓋出  
乎舜宮方理之而登於壽域故制此而歌夫薰風黑與  
青間青與赤通或以白而受采或以黃而居中本乎朱  
襄以至陶唐因加而自七至八以少乎惟宮與商事匪

遠吹夫其高張絕絃韻清調苦愴惻憾一龍一虎猛  
將之耀武氷雪操蘭蕙薰蕕分崇山動若寒雲烈士之  
諫君跂燕趙望江漢行路難杳無畔淋漓沸渭牢落泮  
渙遊子之悽斷徽未撫涕橫流悲宿昔心悠悠樵童牧  
豎登孤丘 吳冕昭文不鼓琴賦曰虛張不彈俾指節  
而交暢全聲入妙胗心曲而同和且人心靜為常琴心  
虛為主將寧體於道樞亦守器於德宇壞之無故常寂  
響而有餘用之則虧乃含音而莫吐故自適於胸臆亦


何用於角羽顏子所以如愚昭文由是不鼓近情好樂  
尚德養空罷奏南音悟人間之客寄不操三峽體山下  
之泉蒙斯懷柔之古者竟生白於仙宮夫動極則靜音  
繁不復守樸外真含虛內肅施絃罔舉則見素而如絲  
沈聲莫發乃繁根而猶木因雅韻而不奏識道情之所  
蓄

原贊晉殷仲堪琴贊曰五聲不彰孰表太音至人善寄  
暢之雅琴聲由動發趣以虛深 王珣琴贊曰穆穆和

琴至至惓惓如彼清風冷焉經林 宋謝惠連琴贊曰

嶧陽孤桐裁為鳴琴體兼九絲聲備五音重華載揮以  
養民心孫登是玩取樂山林 增唐李白琴贊曰嶧陽  
孤桐石聳天骨根老水泉葉苦霜月斲為綠綺徽音粲  
發秋風入松萬古清絕

原銘後漢李尤琴銘曰琴之在音蕩滌邪心雖有正性  
其感亦深存雅却鄭浮侈是禁條暢和正樂而不淫



御定淵鑑類函卷一百八十八



# 欽定四庫全書

子部

御定淵鑑類函卷一百八十九

九十

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣高中

謄錄監生臣李光垣

欽定四庫全書

御定淵鑑類函卷一百八十九

樂部六

瑟

箏

筑

篳篥

篳篥

琵琶

瑟

增宋陳氏樂書曰瑟者閉也所以懲忿窒慾正人之德

也故前其柱則清却其柱則濁爾雅曰大瑟謂之灑

禮樂記曰清廟之瑟朱絃而疏越一唱而三歎有遺

音者矣

注曰此雅澹之樂也言至和不在音也

三禮圖曰雅瑟長八尺

一寸廣一尺八寸二十三絃其常用者十九絃其餘四絃謂之蕃羸 文子曰二十五絃各以其聲應言瑟不鳴而絃有聲 尸子曰夫瑟二十五絃其僕人鼓之則為笑賢者以其義鼓之欲樂則樂欲悲則悲雖有暴君立為之變 續文獻通考曰元至元三年大樂署樂器成瑟十有四 又曰明瑟俱以朱絃中一絃名曰君絃以黃色總二十五絃瑟絃與琴絃不同琴以徽為十二律絃為七聲每一聲中具十二律故絃止用七足矣瑟

絃每一絃止為一律與鐘磬音律同

瑟二

增世本云庖羲氏作瑟瑟潔也使人精潔於心淳一於行也 呂氏春秋云古朱襄氏之治天下也多風而陽

氣蓄積萬物散解果實不成故士達作為五絃之瑟以

來陰氣以定羣生

案士達朱襄氏之臣

帝王世紀云黃帝損庖

羲之瑟為二十五絃長七尺二寸 莊子曰魯遽調瑟

二十五絃皆動 慎子曰公輸子之巧用材也不能以

檀為瑟 漢楊惲書曰婦趙女也雅善鼓瑟 文獻通

考曰隋何妥好音律留意管絃文帝令定鐘律於是作

平清瑟之調聲 小說曰唐天寶十年錢起從鄉薦居

江湖客舍聞吟於庭中曰曲終人不見江上數峰青視

之無所見矣明年崔暉試湘靈鼓瑟詩落句久不屬即

用為末句因中選人以為鬼謠 南部新書曰唐盧邁

有寶瑟四各直數十萬有寒玉石磬響泉和志之號

宋洪容齋隨筆曰唐李商隱詩云錦瑟無端五十絃說

者以為錦瑟者令狐丞相侍兒小名此篇皆寓言而不  
知五十絃所起予按史記封禪書曰漢公孫卿為武帝  
言泰帝使素女鼓五十絃瑟悲帝禁不止故破其瑟為  
二十五絃於是武帝益召歌兒作二十五絃 元史儒  
學傳熊朋來每燕居鼓瑟而歌以自樂嘗製瑟賦二篇  
學者爭傳誦之

### 瑟三

原庖義作

晏龍為

上詳二  
晏龍晏龍

山海經帝俊生  
是始為琴瑟

朱襄

作五絃 黃帝長七尺

並詳二

正人德

定羣生

上詳一

詳二下

疏越

和柔

上詳一

曹植瑩篋引云

秦箏何慷慨齊瑟和且柔

天帝

破

太師鼓

上詳二

呂氏春秋鄭

太師鼓瑟服之不窮

要荒俗

北鄙

音

交州記要荒之地俗好鼓瑟說苑子路鼓瑟有北鄙之音

游魚聽

白虎鼓

上詳樂總一

張衡西京賦總會仙唱戲豹舞黑白虎鼓瑟蒼龍吹簫

稱清商

歌無

射

楚詞少原之野赤松子王喬皆在旁二子擁瑟而調均之余因稱乎清商也

下詳上歌三數席注瑟注

膠柱

絙絃

文子膠柱鼓瑟絙促柱注絙急絃也

在御

安絃

詩琴

瑟在御下詳琴四

魚躍

鳳舞

上詳遊魚注女鼓瑟而鳳舞

趙

取歌

瑟而不工於求齊也

寒玉

鳳桐

唐盧邁詩二注鳳桐瑟曰鳳桐邈遠

索苑詳

清

骨

潔心

唐相國李公集紀洪鐘駭聽瑤瑟清骨

下詳一

東吟

西音

李

古風齊瑟彈東吟秦絃弄西音慷慨通魂魄使人成荒淫

玉柱

金絃

呂延濟文選別賦注

瑟有柱以玉為之

索

湘靈鼓

孺人鳴

唐錢起事詳二韓

愈感春詩曰已呼孺人憂鳴瑟

散豔雪

聽雲和

唐韋應物詩趙瑟正高張音響清座

埃一彈和妙謳吹去繞瑤臺豔雪凌空散舞羅起徘徊孔帖唐右史鄭休範贈妓天仙歌曰巖吹如何下太

清玉朋無軫六銖輕雖知不

悲管

繁絲

杜甫詩曰悲管逐清

瑟是流霞酌願聽雲和瑟一聲

清塵埃

有緩急

詳散豔雪注說苑



舍作

孺悲欲見孔子孔子辭以疾將命者出戶取瑟而歌使之聞之使知己非真疾 子問曾點曰爾何

如鼓瑟希鏗而舍瑟而作

聲應

絲哀

上詳一禮絲聲哀哀以立廉

不徹

奚為

詳琴子曰由之瑟奚為於丘之門門人不放子路注子路之瑟不合雅頌

格祖考

思忠義

博拊琴瑟以詠祖考來格下見上樂總一

軒后之遺音

湘

靈之清韻

黃帝湘妃

增冬槐

夏桑

易通卦驗人君冬至日使八能之士

鼓黃鐘之瑟瑟用槐木長八尺一寸夏至日瑟用桑木長五尺七寸注槐取氣上也桑取氣下也

如

筑好竽

文獻通考并韓國有瑟其形如筑彈之有音韓文齊王好竽有求仕者操瑟而立王之

門三年不得入叱曰吾瑟鼓之能使鬼神上下客罵之曰王好竽而子鼓瑟瑟雖工如王不好何是所謂工於

寶瑟繪紋如錦曰錦瑟

### 瑟四

原雲和之瑟

周禮大司樂職鄭注云雲和地名也

空桑之瑟

同上鄭注云空桑山

名

龍門之瑟

鄭注云龍門山名

黃鍾之瑟

詳三

雅瑟

三禮國詳

一

絙瑟

楚詞絙瑟兮交鼓思靈保兮賢姁

擗梓瑟

又云鉶鐘搖簾擗梓瑟注云鉶

撞也搖動也擗轉也

鼓瑟

典略百里奚相秦其妻嬴浣入秦至奚第自言能鼓瑟遂鼓瑟而歌

貴賤易位

韓子齊宣王問康倩曰儒者鼓瑟乎對曰不也夫瑟以小絃為大聲以大絃為小聲是大

小易序貴賤易位儒者以為害義故不鼓宣王曰然

暴君立變

尸子詳一

趙王恥

趙王遣使者之楚方鼓瑟而遣之誠之曰必如吾言使  
者曰王之鼓瑟未嘗悲若此也王曰宮商固方調矣使  
者曰調則何不書其柱耶王曰天有燥溼絃有緩急宮  
商移徙不可知是以不書使者曰明君之使人也任之  
以事不制以辭遭吉則賀之凶則弔之今楚趙相去千  
有餘里吉凶憂患不可豫知猶柱之不可書也詩云駘  
懷靡及

### 曉夢春心

### 玉煙珠淚

山堂肆考唐李商  
隱錦瑟詩錦瑟無

駘征夫每

端五十絃一絃一柱思華年莊生曉夢迷蝴蝶望帝春  
心託杜鵑滄海月明珠有淚藍田日暖玉生煙此情可  
待成追憶只是當時已惘然山谷道人讀此詩殊不曉  
其意後以問東坡東坡云此出古今樂志錦瑟之為器  
也其絃五十其柱如之其聲也適怨清和李詩莊生句  
適也望帝句怨也滄海句清也藍田句和也一篇之中  
曲盡其妙史稱其  
瑰邁奇古信然

### 飾以寶玉

### 繪紋如錦

又曰飾以  
寶玉者曰

鼓

西征賦渾池之會  
趙王恥為偏鼓

倚歌

詳上  
歌二

趙女善鼓

楊惲書  
詳二

增撤瑟

梁任彦昇哭范僕射詩寧知安歌日非  
君撤瑟辰儀禮有疾病者齊撤瑟

彈

陌上桑

李白擬古詩含情弄柔瑟彈作陌  
上桑絃聲何激裂風卷繞飛梁

靈瑟宵宵

韓愈遠遊聯句  
詩靈瑟時宵宵

錦瑟旁

杜甫詩何時詔取金錢  
會暫醉佳人錦瑟旁

朱

絲

孔帖劉禹錫  
曰朱絲瑤軫

挾瑟

孔帖

汎瑟

撫也汎瑟卧蓬帷  
柔苑詳注汎瑟即

一派冰泉

元郝經詩曰二十五絃百  
寶裝一派冰泉落纖手

瑟五

原詩梁沈約趙瑟曲曰邯鄲竒弄出文梓縈絃急調切

流徵元鶴徘徊白雲起白雲起鬱披香離復合曲未央  
增唐李嶠詠瑟詩曰伏羲初製法素女昔傳名流水  
嘉魚躍叢臺舞鳳驚嘉賓飲未極君子娛俱併倘入丘  
之戶應知由也情 錢起湘靈鼓瑟詩曰善撫雲和瑟  
常聞帝子靈馮夷空自舞楚客不堪聽逸韻諧金石清  
音發杳冥蒼梧來怨慕白芷動芳聲流水傳湘浦悲風  
過洞庭曲終人不見江上數峰青 劉禹錫調瑟詞曰  
調瑟自張絃絃平音自足朱絃二十五缺一不成曲美

人愛高張瑤軫再三促上絃雖獨響下應不相屬日暮  
聲未和寂寥一枯木却顧膝上絃流淚難相續 李益  
古瑟怨曰破瑟悲秋已減絃湘靈沈怨不知年感君拂  
拭遺音在更奏新聲明月天 杜牧瑤瑟詩曰玉仙瑤  
瑟夜珊珊月過樓西桂燭殘風景人間不如此動搖湘  
水徹明寒

第一

增說文曰第五絃筑身樂也 原釋名曰箏施絃高箏

箏然 增樂府雜錄曰善箏者元和至太和中李青青及龍佐大中以來有常述本亦妙手也史從李從周皆能者也從周即青青孫亞其父之藝也 原史記曰秦逐客李斯上書曰夫擊甕扣缶彈箏搏髀而歌呼嗚嗚快耳者真秦之聲也 增隋書音樂志曰絲之屬曰箏十三絃 原風俗通曰箏秦聲也或曰蒙恬所造 又曰按禮樂記第五絃筑身也今併涼二州箏形如瑟不知誰改也 傅子曰箏者上圓象天下平象地中空准

部也

十二中聲一絃黃鍾二絃大呂三絃太簇四絃夾

夷則十絃南呂十一絃無射十二絃應鍾十三絃黃鍾清聲

續文獻通考曰元制

箏如瑟兩頭微垂有柱十三絃

## 第二

原英雄記曰呂布詣袁紹紹患布欲殺之遣三十六兵被鎧迎布使著帳邊卧布知之使人帳中鼓箏諸兵卧布出帳去兵不覺也傳子曰郝素善彈箏雖伯牙妙手吳姬竒聲何以加之語林曰桓野王善解音晉孝



六合絃柱十二擬十二月乃仁智之器豈蒙恬亡國之  
臣所能開思運巧 阮瑀箏賦曰箏長六尺以應律數  
絃有十二象四時柱高三寸象三才 增唐劉禹錫與  
柳子厚書曰間發書得箏以為其工獨得於天姿使木  
聲絲聲均其所自出抑折愉懌學者無能如 文獻通  
考曰高麗樂器用彈箏一拘箏一卧箏一自魏至隋並  
存其器至於制度之詳不可得而知也 又曰宋朝用  
十三絃箏第一絃為黃鍾中聲設柱並同瑟法然非雅

西人大明末寓居襄陽善彈箏與淮南胡陶京兆駱惠  
度同志為友常共讌集林下陶吹龍笛惠度工歌時人  
謂之三公樂宋邵陵王休若為南雍州刺史躬往造焉  
宣仲正在林中彈箏了不回顧逡巡置箏於席延邵陵  
與語纔述寒溫而已時邵陵客有述其音者授箏令彈  
再三固請荅曰幸非王門伶人何事見逼占對詳雅衆  
不能屈 梁書曰羊侃字祖忻雅愛文史及孫吳兵法  
姬妾列侍窮極奢靡有彈箏人陸大喜著鹿角爪長七

武祖宴西堂樂闋酒闌將詔桓野王箏歌野王辭以須  
笛於是詔其常吹奴碩賜姓曰張加四品將軍引使上  
殿張碩意氣激揚吹破三笛末取豬脚笛然後乃理調

成曲 俗說曰謝仁祖為豫州主簿在桓溫閣下桓聞  
其善彈箏便呼之既至取箏令彈謝即理絃撫箏因歌  
秋風意氣殊適桓大以此知之 增古今注曰邯鄲女

子秦羅敷出採桑於陌上趙王見欲奪之羅敷乃彈箏  
作陌上桑之歌以自明 襄沔記曰辛居士名宣仲隴

寸 孔帖曰唐樊彥琛妻魏者揚州人彥琛卒值徐敬  
業難陷兵中聞其知音令鼓箏魏曰夫亡不死而逼我  
管絃禍由我發遂引刀斬指

### 第三

原素質

朱絃

上見顧愷之箏賦  
合於律呂音協同於

侯瑾箏賦曰物順  
宮商朱絃微而慷

慨兮哀氣  
切而懷傷

應六律

總八風

上詳前  
陶融妻陳氏  
箏賦曰列柱成陣既和

且平總八風而熙  
泰芟賁微而洞靈

不疾不徐

或離或合

上見阮瑀  
箏賦傳

元箏賦曰追赴促彈急擊  
扣危洪纖雜沓或合或離

移風易俗

推故引新

上見

侯瑾箏賦 傳元箏賦陰沈陽升柔屈剛興  
元黃之分推故引新迭為賓主四時之陳

有始有

終 不盈不縮 又云清濁代興有始有終哀起清羽樂  
混大宮 陶融妻陳氏箏賦度中楷模

不盈不縮 歌怨詩 能秦聲 晉書桓伊傳伊為右軍將軍  
孝武帝召伊飲宴謝安侍坐

帝命伊吹笛伊神色無忤即吹為一弄乃放笛云臣於  
箏分乃不及笛然自足以韻合歌管請以箏歌并請一  
吹笛人帝善其調遣乃教御妓奏笛伊又云御府人於  
臣必自不合臣有一奴善相便串帝彌賞其故事乃許  
名之奴既吹笛伊便撫箏而歌怨詩曰為君既不易為  
臣良獨難忠信事不顯乃有見疑患周旦佐文武金縢  
功不刊推心撫王政二叔反流言聲節慷慨俯仰可觀  
安泣下沾襟帝甚有愧色 楊惲詩家本秦也能為秦

聲 奏西音 揚大雅 上詳舞四 曹植幽思賦 獨

素箏而慷慨揚大雅之哀音

發新聲 奮逸響

魏文帝詩奏箏發新聲長笛吐清氣  
曹植詩彈箏奮逸響新聲妙入神

朱絃 玉柱 危絃 促柱 增竹潤 銀裝

文獻通考

唐有軋箏以片竹潤其端軋軋成音因取名焉又曰  
宋何承天幼好律曆之學尤善彈箏文帝賜之銀裝箏

一 手語 甲鳴 李白詩佳人當窗弄白日綠將手語  
彈鳴箏白居易詩甲鳴銀鈎噪柱

觸玉玲瓏

玉指 銀甲

元稹詩箏絃玉指調  
杜甫詩銀甲彈箏用

繫爪

象雲

梁簡文帝詩倚絃時繫爪息吹治唇朱按妓女以  
鹿角琢為爪以彈箏曰繫爪文獻通考唐清樂

部有雲和箏  
蓋其首象雲

合律 象閏

又曰阮瑀謂絃有十二四  
時度也唐惟清樂箏十二

絃他皆十三絃今教坊無十二絃者不知五絃合乎  
五音十二絃合乎十二律而十三絃其一以象閏也

青苔怨

綠雲垂

唐顧況李湖州謠人彈箏歌上陽宮人怨青苔此夜想夫憐碧玉思婦高

樓刺壁窺愁猿叫月鸛叫兒寸心十指有長短妙入神處無人知李白邯鄲南亭詩清箏何絳綰度曲綠雲

垂楚絲絃泗濱梓唐釋皎然觀李中丞美人軋箏歌軋用蜀竹絃楚絳清哇宛轉

聲相隨魏曹植書新泗濱之梓以為箏鼉皮背鹿角爪合璧唐西合

至成都第二其長四尺有四足虛腹以鼉皮飾背面及仰肩下詳二

聲唐志西京伎有彈箏搗箏各一合璧羅敷陌上之聲

第四

原彈箏作歌

古今注羅敷詳二

鼓箏悲歌

煥煌實錄索丞宗伯夷成善鼓箏悲

泉 沈約詠箏詩曰秦箏吐絕調玉柱揚清曲絃依高  
張斷聲隨妙指續徒聞音繞梁寧知顏如玉 王臺卿  
詠箏詩曰依歌時轉韻按曲動花鈿促調移輕柱亂手  
度繁絃唯有高秋月秦聲獨可憐 陳陸瓊元圃宴各

詠一物得箏詩曰三五併時年二八共來前今逢泗濱  
樹定減琴中絃鶴別霜初緊烏啼月正懸 唐李嶠詠  
箏詩曰蒙恬芳軌設遊楚妙彈開新曲帳中發清音指  
下來鈿裝模六律柱列配三才莫聽西秦奏箏箏有剩



歌能使喜者墮淚改調易詎能使戚者起舞時人號曰雍門調

增哀響

韓愈感春詩嬌童為我歌

哀響誇  
箏笛

哀箏

杜甫詩哀箏傷老人

頌瑟

唐樂志頌瑟箏也

# 第五

原詩梁元帝和彈箏人詩曰橫箏在故帷忽憶上絃時

舊柱未移處銀帶手經持悔道啼將別交成今日悲

又詩曰瓊柱動金絲秦聲發趙曲流徵含春陽美手過

如玉 昭明太子詠彈箏人詩曰故箏猶可惜應度新

人邊塵多塞移柱風燥脆調絃還作三洲曲誰念九重

聲赤鯉露鬢三聲白猿臂拓頰鄭女出參丈人時落  
花惹斷遊空絲高樓不掩許聲出羞殺百舌黃鶯兒

盧綸宴席賦得姚美人搗箏歌

美人曾在禁中

曰出簾仍有鈿

箏隨見罷翻令恨識遲微妝皓腕纏紅袖深遏朱絃低  
翠睂忽然高張應繁節玉指迴旋若飛雪鳳簫龍管寂  
不喧繡幕紗窗儼秋月有時輕弄和郎歌慢處聲遲情  
更多已愁紅臉能佯醉又恐朱門難再過昭陽伴裏最  
聰明出到人間纔長成遙知禁曲難翻處猶自君王說

哀 增唐岑參秦箏歌送外甥蕭正歸京詩曰汝不聞  
秦箏聲最苦五色纏絃十三柱怨調慢聲如欲語一曲  
未終日移午紅亭水木不知暑忽彈黃鍾和白紵清風  
颯來雲不去聞之酒醒淚如雨汝歸秦兮彈秦聲秦聲  
悲兮聊送汝 王灣觀搗箏詩曰虛室有秦箏箏新月  
復清絃多弄委曲柱促語分明曉怨凝繁手春嬌入慢  
聲近來惟此樂傳得美人情 顧況鄭女彈箏歌曰鄭  
女八歲能彈箏春風吹落天上聲一聲雍門淚承睫兩

小名 白居易箏詩曰雲髻飄蕭綠花顏旖旎紅雙眸

剪秋水十指剥春蔥楚豔為門閭秦聲是女工甲鳴銀  
玦樂柱觸玉璫瓏猿苦啼嫌月鶯嬌語詎風移愁來手  
底送恨入絃中 王諶夜坐看搗箏詩曰調絃夜坐燈

光裏却挂羅帷露纖指朱絃一一聲不同玉柱連連影  
相似不知何處學新聲曲曲彈來未覩名應是石家金  
谷裏流傳未滿洛陽城 常建高樓夜彈箏詩曰高樓  
百餘尺直上江水平明月照人苦開簾彈玉箏山高猿

狄急天靜鴻鴈鳴曲度猶未終東峰霞半生 朱灣箏

柱子詩曰散木今在幸良工不棄捐力微慙一柱材薄

仰羣絃且喜聲相應寧辭跡屢遷知音如見賞雅調為

君傳 劉禹錫傷秦姝行曰長安二月花滿城插花女

兒彈銀箏南宮仙郎下朝晚曲頭駐馬聞新聲馬蹄遶

遲心蕩漾高樓已遠猶頻望此時意重千金輕烏傳消

息紺綸迎芳筵銀燭一相見淺笑低鬟初目成蜀絃錚

鏦指如玉皇帝弟子韋家曲青牛文梓赤金簧玫瑰寶

柱秋鴈行斂蛾妝袂凝清光抽絃授調怒且長八鸞鏘  
鏘渡銀漢九雛成鳳鳴朝陽曲終韻盡意不足情思悄  
絕愁空堂從郎鎮南別城闕樓船理曲瀟湘月馮夷蹕  
躑舞漾波鮫人出聽停綃梭北池含煙瑤草短萬松亭  
下清風滿秦歌一曲此時聞嶺泉鳴咽腸堪斷來自長  
陵小市東薜華零落瘴江風侍兒掩泣悲銀甲鸚鵡不  
言愁玉籠博山爐中香自滅鏡奩塵暗同心結從此東  
山非昔遊長嗟人與絃俱絕 宋歐陽修李留後家聞

箏詩曰不聽哀箏二十年忽聞纖指弄鳴絃綿蠻巧轉  
花間舌嗚咽交流水下泉常謂此聲今已絕問渠從小  
自誰傳樽前笑我聞彈罷白髮蕭然涕泣漣

原賦後漢侯瑾箏賦曰於是急絃促柱變調改曲卑殺  
纖妙微聲繁縟散清商而流轉兮若將絕而復續紛曠  
蕩以繁奏邈遺世而越俗若乃察其風采練其聲音美  
哉蕩乎樂而不淫雖懷思而不怨似豳風之遺音於是  
雅曲既闕鄭衛仍修新聲順變妙弄優遊微風漂商冷

磊落卓礫盤紆壯士之節也曲高和寡妙伎難工伯牙  
能琴於茲為朦朧繹翕純庶配其蹤延年新聲豈比能  
同陳惠李文曷能是逢 晉陶融妻陳氏箏賦曰伊夫  
箏之為體惟高亮而殊特應六律之攸和與七始乎消  
息括八音之精要超衆器之表式后夔創制予野考成  
列柱成陣既和且平牙氏攘袂而奮手鍾期傾耳以靜  
聽奏清角之要妙詠騶虞與鹿鳴獸連軒而率舞鳳踉  
蹌而集庭汎濫浮沈逸響發揮翕然若絕皎如復迴爾



氣輕浮感悲音而增歎愴頻悴而懷愁若乃上感天地  
下動鬼神享祀祖宗酬酢嘉賓移風易俗混同人倫莫  
有尚於箏者矣 魏阮瑀箏賦曰惟夫箏之奇妙極五  
音之幽微苞羣聲以作主冠衆樂而為師凜清和於律  
呂籠絲木以成資身長六尺應律數也故能清者感天  
濁者合地五聲並用動靜簡易大興小附重發輕隨折  
而復扶循覆逆開浮沈抑揚升降綺靡殊聲妙巧不識  
其為平調定均不疾不徐遲速合度君子之行也慷慨

中以揚德正律度而儀形良工加妙輕縠璘彬元漆絨  
響慶雲被身 梁簡文帝箏賦曰聽鳴箏之弄響聞茲

絃之一彈足使遊客戀國壯士衝冠若夫楚王怡蕩楊  
生娛志小國寡民督郵無事乃有燕餘麗妾方桃譬李

本住南城經居東里度璫瓏之曲閣出翡翠之香帷腕  
凝紗薄珮重行遲爾乃促筵命友銜觴置酒耳熱眼華

之娛千金萬年之壽白日蹉跎時淹樂久玩飛花之度

窗看春風之入

一作動

柳命麗人於玉席陳寶器於紉羅

乃祕辭豔曲卓礫殊異周旋去留千變萬態 賈彬箏  
賦曰溫顏既緩和志向悅賓主交歡聲鐸品列鍾子授  
箏伯牙擊節唱葛天之高韻讚幽蘭與白雪其始奏也  
蹇澄疏雅若將暢而未越其漸成也抑按鏗鏘猶沈鬱  
之舒徹何以盡美請徵其喻剖狀同形兩象著也設絃  
十二太簇數也列柱參差招搖布也介位允諧六龍御  
也 顧愷之箏賦曰其器也則端方修直天隆地平華  
文素質爛蔚波成君子嘉其斌麗知音偉其含清罄虛

撫鳴箏而動曲臂輕薄之經過若夫釣竿復發蜺蜨初  
揮動玉匣之餘怨鳴陽烏之始飛逐東趨於鄭女和西  
舞於荆妃使長廊之瓦虛墜梁上之塵染衣 陳顧野  
王箏賦曰調宮商於促柱轉妙音於繁絃既留心於別  
鶴亦含情於採蓮始掩抑於紈扇時怡暢於升天

# 筑

原如箏

釋名筑以竹鼓之也如箏細項

如琴

樂書筑形如琴十三絃項細肩圓鼓法以左手

扼之右手以竹尺擊之隨調應律

飲燕市

史記荆軻擊筑興高漸離飲於燕市中

為

壯聲

燕太子丹云高漸離擊筑荆軻和之為壯聲髮皆衝冠

還沛擊

史記高祖紀高祖還

沛自擊筑而歌

大會擊

東觀漢記光武大會真定王自擊筑

增置於雅部

大獻

通考唐置筑於雅部長四尺五寸折九尺之半為法是不知持世俗之樂非雅樂之音也

設柱同

箏

又曰宋朝沿習唐制設柱同箏法第一絃黃鐘正聲次第十二正聲全第十三絃黃鐘清聲

以

筋擊

又曰箏以指彈筑以筋擊大同小異

按習並依鍾律

又曰其按習並依鍾律彈

擊之法降之於俗部可也

箏篴一

原釋名曰箏篴師延所作靡靡之樂後出桑間濮上之

地蓋空國之侯所作也師涓為晉平公鼓焉鄭衛分其地而有之遂號鄭衛之音為淫樂 增樂府雜錄曰瑩

篴乃鄭衛音之權輿也以其亡國之音故號空國之侯亦曰坎侯古樂府有公無渡河之曲昔有白首翁溺於河歌以哀之妻麗玉善瑩篴撰此曲以寄哀情咸通中第一部有張小子忘其名彈弄冠於今古今在西蜀太和中有李齊臯者亦為上手曾為某門中樂史後有女亦善此伎為先徐相姬大中末齊臯尚在有內官擬引

入教坊辭以衰老教坊雖有三十人能者一兩人而已

史記曰祠太一后土始用樂作箜篌 晉永和起居

注曰詔太史解土非祠典可給琵琶箜篌 桓譚新論

曰鄙人謂狐為狸以瑟為箜篌此非徒不知狐與瑟乃

不知狸與箜篌也 原司馬相如凡將篇曰鐘磬竽笙

筑坎侯 樂府歌詩曰集會堂<sub>上</sub>彈箜篌 增文獻通

考曰箜篌唐制似瑟而小其絃有七用木撥彈之以合

二變故燕樂有大箜篌小箜篌音遂手起曲隨絃成蓋

善箜篌 搜神記曰晉永嘉中有神見兗州自號樊道  
基有姬號成夫人夫人好音樂能彈箜篌聞人絃歌輒  
起舞 甄異傳曰永和中吳郡陳緒家平旦忽有扣門  
自通曰陳都尉寄住緒有妾姓奚能彈箜篌神意歡悅  
既令妾絃歌歌聲焦細歷三年迺別去 琴操曰箜篌  
引者朝鮮津卒霍里子高所作也子高晨刺船而濯有  
一狂夫被髮提壺而渡其妻追止之不及墮河而死乃  
號天歔鼓箜篌而歌曲終投河而死子高援琴作其



若鶴鳴之嘹唳玉聲之清越者也 續文獻通考曰元  
瑩篴制以木闊腹腹下施橫木而加軫二十四柱頭及  
首並加鳳喙

### 瑩篴二

原風俗通曰瑩篴一名坎侯謹按武帝祀太山太一后  
土令樂人侯調依琴作坎侯言其坎坎應節也侯以姓  
冠章也或曰瑩篴取其空中 班彪上事曰漢宣帝賜  
呼韓邪單于箏瑟瑩篴 曹毗瑩篴賦序曰東土君雅

嘗夢至一處亦記見生 類說曰趙文韶住青溪月夜

唱烏棲飛忽有青衣至曰王家娘子傳語聞君歌聲有

關人者須臾女子至容色可憐文韶乃歌深契女心曰

但令有瓶何患無水取箜篌鼓之令婢歌繁霜自解裊

帶縛箜篌歌曰日暮風吹葉落依枝丹心寸意愁君不

知窮夕別去明日至青溪廟中女姑神像即夜所見者

箜篌三

原漢祠

晉解

並詳前一

濮水

前溪

上詳前一  
下見曹毗賦

湖

歌聲故曰箜篌引 增唐西陽雜俎曰魏高陽王雍美人余月華能彈卧箜篌為明妃出塞之聲 合璧曰唐哥舒翰監軍李太宜在軍中不治事與將士彈箜篌為樂 逸史曰有李生者其舅盧有道術別久忽相遇邀生詣其居曰求得一妓善箜篌令侍飲李生視箜篌上有朱字云雲中辨江樹天際識歸舟盧曰此人名家莫要作婚否李莫測而退後娶陸長源女乃所見於盧家者問何能曰善箜篌示之朱字宛然李生具說女亦曰

上桑間

上詳前二  
下見曹毗賦

孫賦

霍歌

鈕泊母孫氏有  
笙篴賦下詳

前依琴

考筑

上詳前二  
承先賦鼓棠起於造衣笙篴祖琴

楊方笙篴賦序羽儀采

琴考筑箏作茲器於  
漢代猶擬易之元經

宋女揮

吳妃引

孫氏賦后夔  
正樂唱引參

列宋女揮絲秦娥撫節  
下見曹毗笙篴賦

增青溪

朱字

並詳  
前二

繁霜

碎玉

上詳前二  
秋屬熙熙度隴關小絃似春燕喃喃向人語手

頭疾腕頭軟來來去去如風卷聲清冷冷鳴索索垂  
珠碎玉空中落美人爭窺玳瑁簾聖人卷上真珠箔

鳳喙

鶴鳴

上元制下唐燕  
樂並詳前一

立卧

大小

合璧立笙  
篴漢靈帝

好之體曲而長二十三絃抱於懷中兩手齊奏謂之擘  
卧笙篴余月華事詳二大小笙篴唐燕樂詳前一

木撥彈

裊帶縛

上詳前一

下詳前二

音逐手起

曲隨

絃成

並詳前一

箜篌四

原詩梁簡文帝賦箜篌詩曰換遲初挑吹弄急時催舞  
釧響逐絃鳴衫迴半障柱欲知心不平君看黛眉聚

增唐李賀箜篌引曰吳絲蜀桐張高秋空山凝雲頽不  
流江娥啼竹素女愁李憑中國彈箜篌崑山玉碎鳳皇  
叫芙蓉泣露香蘭笑十二門前融冷光二十三絲動紫

皇女媧鍊石補天處石破天驚逗秋雨夢入神山教神  
嫗老魚跳波瘦蛟舞吳質不眠倚桂樹露脚斜飛溼寒  
兔

原賦晉鈕滔母孫氏瑩篴賦曰考茲器之所起實侯氏  
之所營遠不假於琴瑟顧無取乎竽笙爾乃陟九峻之  
層巖晞承溫之朝日剖嶧陽之孤桐伐楚宮之檓漆徵  
班輸之造器命伶倫而調律浮音穆以遐暢沈響幽而  
若絕樂操則寒條反榮哀曼則晨華朝滅邈漸離之清

角超子野之白雪然思超梁甫願登華嶽路嶮悲秦道  
難怨蜀遺逸悼行邁之離秋風哀年時之速陵危柱以

頽頽憑哀絃以蹢躅於是數轉難測聲變無方或冉弱  
以飄沈或頓壯以抑揚或散角以放羽或攄徵以騁商

曹毗瑩篴賦曰嶧陽之桐植頽巖標清泉潤根女蘿

被條爾乃班楚制器窮妙極巧龍身鳳形

一作頸

連翩窈

窕纓以金采絡以翠藻其絃則烏號之絲用應所任體  
勁質朗虛置自吟於是召倡人命妙姿御新有酌金蠹

月半虧雕鏤雜錯絲組懸垂倚銀屏而燭爛拂綺袖而  
彰施矧陰陽之應節蓋風俗之能移況乎度曲無方安  
位必中調而合雅聲則殊衆既而越豔秦娥南鄰北里  
玉戶卷兮真珠箔清揚婉兮瓠犀齒青樓何處倚城向  
日九鳥離綺帳初開綵綬銜花雙鳳子乍瑤瑟而不御  
彈箜篌以為美絙朱絃揮玉指邀鄭舞以徐進雖吳娃  
而競起靡靡乎蕩心洋洋乎盈耳

琵琶一



發愁吟引吳妃湖上颿香以平雅前溪藏摧而懷歸東  
郭念於遠人參覃愁於永違 宋臨川王劉義慶箜篌  
賦曰侯牽化而始造魯辛寄而後珍名啓端於雅引器  
荷重於吳君等齊歌以無譬似秦箏而非羣 增唐人  
失聲箜篌賦曰山有梧兮猗猗乍雲鬱而風披豈雅琴之  
獨得諒箜篌之可為操斧者取則不遠度木者形之又  
奇侯以姓而得箜以坎為知考宮商於制氏窮巧妙於  
般倭虛受其心北牖之清風合韻曲全其勢南樓之華

秦漢子圓體修頂而小疑是絃鼗之遺制 宋蔡寬夫  
詩話曰樂譜琵琶曲有轉關六么取其聲調閑婉又有  
獲索梁州謂其音節閑繁 續文獻通考曰遼大樂器  
有大琵琶小琵琶 又曰元琵琶制以木曲首長頸四  
軫頸有品闊面四絃面飾雜花 又曰明攬撥樂器用  
琵琶二丹墀大樂樂器用八成祖時中宮千秋節命婦  
相賀女樂亦用八千秋節相賀樂器用二迎膳同

琵琶二

原釋名曰琵琶本於胡中馬上所鼓也推手前曰琵引

却曰琶因以為名 釋智匠樂錄曰琵琶出於絃鼗杜

以為興之秦末蓋苦長城役百姓絃鼗而鼓之古之善彈琵琶者有朱生阮咸

孫放孔偉 增唐開元中有賀懷智貞元中有康崑崙

王芬曹保保子善才其孫曹鋼皆襲所藝次有裴興奴

原風俗通曰琵琶近出樂家所作不知誰作也長三

尺五寸法天地人與五行也又四絃象四時也 增文

獻通考曰琵琶其器不列四箱今清樂秦琵琶俗謂之

原傳元琵琶賦序曰世本不載作者故老云漢送烏孫公主念其行道思慕使知音者於馬上作之觀其器中虛外實天地象也盤負柄直陰陽敘也四絃法四時也以方語目之故云琵琶取易傳於外國也 三輔決錄曰游楚表乞宿衛拜駙馬都尉楚不學問性好遊遨音樂及畜歌者琵琶箏笛每行來將以自隨 傅子曰朱生善彈琵琶雖伯牙之妙無以加之也 語林曰謝鎮西著紫羅襦據胡牀在大市佛圖門樓上彈琵琶作大

道曲 世說曰桓大司馬曰謝仁祖企脚在北牖下彈

琵琶故自有天際真人想 異苑曰南平國岳在姑孰

有鬼附之每占吉凶輒先索琵琶隨彈而言事有驗或

云是老鼠所作名曰靈侯 幽明錄曰晉司空桓豁在

荊州有參軍剪五月五日鵲舌教令學語遂無所不

名與人相顧問參軍善彈琵琶鵲每聽移時 竹林

七賢論曰阮咸善彈琵琶 增文獻通考曰齊褚淵善

彈琵琶武帝時在東宮賜之金縷銀柱琵琶

高帝曲宴羣臣俾各

效伎能洲彈琵琶王僧虔彈琴沈文秀歌張敬兒舞王敬則拍王儉曰臣無所解唯知誦書因跪前誦相如封

禪書

又曰北齊李搔李德忱素善音律因採諸聲別造

一器號曰八絃時人稱其精理 又曰七絃琵琶形類

阮咸而旁有少缺近取便身也唐開元中鄭喜子所進

又曰六絃琵琶狀如琵琶而長唐天寶中史盛所作

又曰唐天寶中宦者白秀正使西蜀回獻雙鳳琵琶

以邏迼檀為槽潤若圭璧有金縷紅紋感成雙鳳貴妃

每自奏於梨園音韻淒清飄如雲外殆不類人間諸王

貴主競為貴妃琵琶弟子 樂府雜錄曰貞元中長安

大旱詔移兩市祈雨街東有康崑崙琵琶號為第一手

謂街西必無已敵也遂登樓彈一曲新翻調綠腰

樂工進曲

上今錄書要者巧以  
為名誤言綠腰也

街西亦建一樓東市大誚之及崑

崙度曲畢西樓出一女郎抱樂器亦彈此曲移在楓香

調中妙絕入神崑崙驚駭請以為師女郎遂更衣出乃

裝嚴寺段師善本也翌日德宗召之嘉獎異常乃令崑

崙彈一曲段師曰本領何雜兼帶邪聲崑崙驚曰段師

鐵杖洎地字號阮真絕世之寶

宋公自注云地字號阮亡宋之故物天地元黃此

四阮為絕寶也泰和間秘於禁中待詔孫安仁之姊以琴阮得入侍上以此阮賜之安仁屢求之其姊以阮見寄舊制宮掖中侍人不許與親戚通耗安仁冒法得之其好事有如此者

耳譚曰明京師

瞽者李近樓籍錦衣千戶善琵琶能左右手彈新聲古曲無不絕妙平生羈愁哀怨及人已胸中事皆於鳴絃鐵撥發之令人髮上指淚交下忽作魚山梵唄冷然孤僧雲水復作蘇臺圍獵淒然百獸鳴嗥

琵琶三



神人也德宗令授崑崙段師奏曰且請崑崙不近樂器  
十數年使忘其本領然後可教詔許之後果窮段師之  
藝五代史補曰馮吉瀛王道之子能彈琵琶以皮為  
絃世宗嘗令彈於御前深欣善之因號其琵琶曰繞殿  
雷三朝聖政錄宋太祖曰資蔭子弟在家但能彈琵  
琶弄絲竹豈能治民於是未許親民元秋宜集曰李  
宮人善琵琶至元十九年以良家子入宮得幸比之王  
昭君耶律楚材湛然居士集曰了然居士素蓄東坡

人形躁而志越

下詳前一

帝命彈 鬼擊節

世說范蔚宗善彈琵琶能為新聲宋

武帝聞之屢諷以微旨偽為不曉終不肯彈一日因飲宴歡適謂曰我欲歌卿可彈乃奉旨上歌既畢范亦罷

絃 異苑永熹中李謙善琵琶元嘉初往廣州夜集坐倦悲寢惟謙獨揮彈未卧輒聞窗外有唱歌聲每至昇

會無不擊節謙怪語曰何不進邪對曰遺生已久無宜干突始悟是鬼

歲數成 陰陽

序

上見成公綏琵琶賦下詳一

挺修柄 叩少宮

傳元琵琶賦挺修柄以布柱轉

四時而發機 孫該琵琶賦爾乃叩少宮騁明光發下柱轉上腔儀祭氏之繁絃故莊公之倍簧

明

君慰思 惠文致婦

石崇琵琶引王明君本為昭君以避文帝諱改匈奴請婚元帝以明

君配馬 高惠文與婦書曰今致琵琶一枚音甚清亮

操暢駱驛

發越哀傷

原馬上

牖下

並詳前二

丹桂

素桐

上見成公綏琵琶賦下見孫該琵琶賦

駭耳

娛心

成公綏琵琶賦好和者唱讚善聽者咨嗟眩精駭耳失節踉跄傳元秋

詩所樂亦非瑟所樂亦非琴唯言琵琶與箏能娛我心

緩調

急節

孫該琵琶賦緩調平

絃原本反始溫雅冲泰弘暢通理

成公綏琵琶賦改調高彈急節促撻飛龍引舞趙女駢羅

奏六

引理五章

傳元琵琶賦然後來弄雜會六引遞奏纖絃振武迅于繁驚成公綏琵琶賦擬止

金石屏斤笙簧彈琵琶於私宴校西施與毛嫱撰理參暢五齋五章

梁山象柱

岱谷

絲絃

上見成公綏琵琶賦下見孫該琵琶賦

聞促聲高

中虛外實

嵇康

元聲哀樂論平和之人聽箏笛琵琶則形躁而志越聞琴瑟之音則體靜而心閑夫琵琶箏笛聞促聲高故使

上見孫該琵琶賦  
下見傅元琵琶賦

增瓦為

銅鑄文獻通考晉阮

有發威冢者得琵琶以瓦為之時人多不識以琴合調

大抵異器而同音也又曰昔元行沖為太常卿時有

人於古冢中得銅物似琵琶而身正圓莫有識者元視

之曰此阮咸所造樂具乃命工匠易銅以木其為聲雖

清而雅然亦

失其故音矣

金縷紅紋並詳

鳳頸

蛇皮

文獻

琵琶之制列桐絃葢而鼓之龜腹鳳頸熊據龍旋其器

則瑩篋也又曰扶南高麗龜茲疎勒西涼等國其樂

皆有蛇皮琵琶以蛇皮為槽厚一寸餘鱗介具焉亦以

曲項屈茨

就簡文帝飲又曰梁史稱太樂令彭俊會曲頸琵琶

有曲茨琵琶說者謂制度不存八音之器所

不載以意推之豈琵琶為曲茨之形然也

龍首

雲頭

合璧唐西舍利獻其國樂至成都韋卓以其樂器異常乃圖畫以獻有龍首琵琶又曰雲頭琵琶

形如前以雲為首

玉環

鐵撥

天中記玉環唐睿宗所御琵琶也唐樂府雜錄賀懷智

以石為槽鷄雞筋作絃用鐵撥彈之

鷄雞絃

脂韉帶

上詳鐵撥注樂府雜錄樂史

楊志善琵琶其姑尤妙絕姑本宣徽弟子後放出宮住永穆觀中自惜其藝常畏人聞每至夜方彈志懇求教

授堅不允且曰誓死不傳於人也志乃賂其觀主求寄宿於觀竊聽其姑彈弄仍繫脂韉帶以手畫帶記節奏

遂得一兩曲調明日攜樂器詣姑姑大驚異即告其事姑意乃回盡傳其能

撥若風雨

長於攏撚

並詳左右手注

大小忽雷

左右有手

樂府雜錄文宗

朝女弟子鄭中丞善彈琵琶內庫有兩面琵琶號大小忽雷又曰貞元中王芬曹保保子善才其孫曹鋼皆

繫所繫次有裴興奴與銅同時曹善運撥若風雨而不  
事扣絃與奴長於撥撫時人謂曹銅有右手興奴有左  
手武宗初李德裕有樂史廉郊者師於曹銅盡銅之能  
銅常曰教人多矣未有此性靈弟子也郊嘗在平泉別  
墅值風月清朗攜琵琶池上彈絃賓調忽聞芰荷間有  
物跳躍之聲必謂是魚及彈別調即無所聞復彈舊調  
依舊有聲遂加意朗彈忽有一物鏘然躍出池岸之上  
視乃方響一片蓋絃賓鐵也以指撥精妙律呂相應也

## 渾撥四

### 火不思

宋俞垵席上腐談琵琶又名聾婆  
唐詩琵琶字皆作八聲音獨王昭君

琵琶壞使人重造而其形小昭君笑曰渾不似今訛為  
渾撥四續文獻通考元火不思制如琵琶直頸無品  
有小槽圓腹如半瓶槌以皮  
為面四絃皮絃同孤柱

## 名士亦操老鬼能鼓

語林桓溫外甥恒在坐鼓琵琶溫醉後指琵琶曰名士  
固亦操斯器錄異傳吳句章氏楊度至餘姚夜行有

一年少持琵琶求寄載度許之鼓琵琶作數十曲畢  
乃吐舌擊目以怖度而去行數十里許又見一老父寄  
載自云姓王名戒因復載之度曰向逢一鬼鼓琵琶甚  
哀戒曰我亦能鼓即是向鬼復擊眼吐舌度怖幾死

琵琶四

原詩南齊王融琵琶詩曰抱月如可明懷風殊可清絲  
中傳意緒花裏寄春情掩抑有奇態淒鏘多好聲芳袖  
幸持拂龍門空自生 梁徐勉琵琶詩曰雖為遠道怨  
翻成今日歡含花已灼灼類月復團團 隋陳叔達聽  
鄰人琵琶詩曰本自龍門桐因妍入漢宮香由羅袖裏

絃切切如私語嘈嘈切切錯雜彈大珠小珠落玉盤間  
關鶯語花底滑幽咽泉流水下灘水泉冷澀絃疑絕疑  
絕不通聲暫歇別有幽愁暗恨生此時無聲勝有聲銀  
瓶乍破水漿迸鐵騎突出刀鎗鳴曲終收撥當心劃四  
絃一聲如裂帛東舟西舫悄無言惟見江心秋月白

又代琵琶弟子謝女師曹供奉寄新調弄譜詩曰琵琶  
師在九重城忽得詩來喜且驚一紙展看非舊譜四絃  
翻出是新聲  
凝竇掩抑嬌多怨散水玲瓏峭更清珠顆



聲逐朱絃中離有相思韻翻將入塞同關山臨却月花  
藥散迴風為將金谷引添令曲未終 唐太宗詠琵琶

詩曰半月無雙影金花有四時摧藏千里態掩仰幾重  
悲促節紫紅袖清音滿翠帷駛彈風響急緩曲釧聲遲  
空餘關隴恨因此代相思 增唐白居易琵琶行曰轉

軸撥絃三兩聲未成曲調先有情絃絃掩抑聲聲思似  
訴平生不得志低眉信手續續彈說盡心中無限事輕  
攏慢撚抹復挑初為霓裳後六么大絃嘈嘈如急雨小

古調手自傳鵬絃撼動龍香撥抑揚按節氣雄放清度  
回颺激林樾迢迢訴盡出關情漢宮往事孤鴻滅黃雲  
萬里絕音塵馬上誰能記烏咽新聲洗盡鬱輪袍清和  
扣絃歌間發曲終一笑兩茫然江水泠泠滿襟雪明  
高啓夜飲丁侃宅聽琵琶詩曰江水未出明星懸主人  
飲客夜不眠坐呼伶兒撥四絃龍頭高撚玉軫圓轉關  
未奏蕤索先勞嘈咽切斷復連澀如清澗溜凍泉細若  
碧樹吟秋蟬忽然繁急何轟聞風沙滿把撒四筵鴈行

淚霑金捍撥紅妝弟子不勝情

蕤賓散水  
皆新調名

又和令狐

僕射小飲聽阮咸詩曰掩抑復淒清非琴不是箏還彈

樂府曲別占阮家名 宋蘇軾宋叔達家聽琵琶詩曰

數絃已品龍香撥半面猶遮鳳尾槽新曲翻從玉連瑣

舊聲終愛鬱輪袍夢回只記歸舟字賦罷雙垂紫錦綵

何異烏孫送公主碧天無際鴈行高 元周權次韻馮

仲遠聽鄰舟孟監州琵琶詩曰漢東傑客老監州雲夢

胸中吐奇崛春風斗酒忽解后暮雨扁舟談激烈酒酣

驚起飛不聯浮雲落葉俱綿綿一聲抹斷萬里煙夢入  
紫塞愁遙天

原賦晉孫該琵琶賦曰惟嘉桐之竒生於丹澤之北垠  
下脩條而迴固上糾紛而干雲開黃鍾以挺榦表素質  
於蒼春然後託乎公班妙意橫施四分六合廣表應規  
迴風臨樂刻飾流離絃則岱谷縈絲篋貢天府伯竒執  
輓杞妻抽緒大不過宮細不過羽清朗緊勁柔而不茹  
伶人鼓焉景響豐稜操暢駱驛遊乎風颺抑揚按捺拈

搗摧藏於是酒酣日晚改為秦聲壯諒抗憤土風所生  
延年度曲六彈俱成絀邪存正疎宥有程離而不散滿  
而不盈沈而不重浮而不輕綿駒遺謳岱宗梁父淮南  
廣陵郢都激楚每至曲終歌闋亂以衆契上下奔騖鹿  
奮猛厲波騰雨注飄飛雷逝 成公綏琵琶賦曰八音  
之用誦於典藝簫韶九奏物有容制惟此琵琶興自末  
世爾乃託巧班輸妙意橫施因形造美洪殺得宜柄如  
翠虬之仰首盤似靈龜之背觴臨樂則齊州之丹桂拊

柱則梁山之象犀挽以玳瑁格以瑤枝若夫盤圖合靈  
太極形也三材片合兩儀生也分柱列位歲數成也回  
窗華表日月星也 傳元琵琶賦曰素手紛其若飄兮

逸響薄於高梁弱腕忽以競騁兮象驚雷之絕光飛纖  
指以促柱兮創發越以哀傷時旃搦以劫蹇兮聲擻耀  
以激揚啓飛龍之祕引逞奇妙於清商哀聲內結沈氣  
外澈舒誕沈浮徊翔曲折 唐薛收琵琶賦曰惟茲器  
之為宗總羣樂而居妙應清角之高節發號鍾之雅調

處躁靜之中權執疎密之機要遏浮雲而散彩揚白日  
以垂耀爾其狀也龜腹鳳頸熊據龍旋戴曲履直破觚  
成圓虛心內受勁質外宣磅礴象地穹崇法天候八風  
而運軸感四氣而鳴絃金華徘徊而月照王柱的厯以  
星懸 虞世南琵琶賦曰尋斯樂之惟始乃絃鼓之遺  
事強秦創其濫觴盛漢盡其深致爰有達人演茲奇器  
參古今而定質擬神明而攄思慰遠嫁之羈情寬絕域  
之歸志既而班爾運能鈞繩相設求嘉木於五嶺取殊

下入小苑而看花游上蘭而藉野泛澄波而轉鷁息長  
松而繫馬臨清流而揮絃與殊方而俱寫音則抑揚嘈  
噴聯綿斷續紆餘雙鶴之吟清壯三秦之曲望高山之  
遙翠見西河之始綠

御定淵鑑類函卷一百八十九



材於九折折文梓以縱分割香檀而橫列木瓜貞栢盤  
根錯節或散錦而花開或絲縈而綺結徒觀其為狀也  
則衆形斗極殊姿巧製隨良璞之修短任規模之巨細  
既異材而合體亦利方而就銳惟適道以從宜故無取  
乎凝滯若乃聲備角商韻包宮羽橫却月於天漢寫迴  
風於洛浦始聞絃之既調乃長弄而徐撫應緩步之疎  
節隨輕身之妙舞悲紫塞之昭君泣烏孫之公主季倫  
觀金谷之宴仲容暢竹林之聚宛如長河草綠高樓月

鳳來儀 禮記曰仲夏之月命樂師均管簫參差之音

又曰從以簫管 增周禮春官小笙師曰小笙師掌

吹簫 易說曰夏至之樂補以簫簫長尺四寸 春秋

說曰夏至作樂間簫笙 原三禮圖曰雅簫長尺四寸

二十四強頌簫長尺二寸十六強 又曰無底者謂之

洞簫 博雅曰簫大者二十四管無底小者十六管有

底 五經通義曰編竹為之長尺有五寸 蔡邕月令

章句曰簫長則濁短則清以蠟蜜實其底而增減之則

欽定四庫全書

御定淵鑑類函卷一百九十

樂部七

簫

笙

簧

笛

管

竽

篪

埙

箛

箛

簫一

原釋名曰簫肅也其聲肅肅而清也 古之善吹簫有

秦女弄玉僊人蕭史

見列仙傳

漢元帝

能洞簫見漢書

靈帝

見謝承後漢書

爾雅曰大簫謂之言小者謂之箛 詩曰既備乃奏

簫管備舉喤喤厥聲肅肅和鳴 尚書曰簫韶九成鳳